

盧溪先生文集五十卷



宋王庭珪撰

明嘉靖五年梁英刻本  
四冊

本部书开始

书 号 4273

本片卷含



盧溪先生文集序

昔人以文章比珠玉六經言珠玉多矣然易不過乾  
鼎之卦詩不過頊佩六珈衡琚瑀書不過璿璣玉衡  
蠙珠璆琳琅玕天球而已春秋不過寶玉龍輔剝圭  
紀獻玉鬯佩藻而已唯戴記周官之書言之爲詳且  
悉有以璧爲貴者如穀璧蒲璧蒼璧圭璧加璧之類  
有以圭爲貴者如土圭鎮圭桓圭信圭躬圭青圭琢  
圭珍圭駟圭琬圭琰圭裸圭殺圭端圭白圭廣圭大  
圭之類有以玉爲貴者如玉敦玉盥玉帛玉爵玉几  
玉豆玉卣玉笄玉填玉簋玉璣玉璫玉璜玉斝玉斝

玉戚玉鎮之類又如服玉佩玉裸玉蒼玉赤玉白玉  
玄玉瑜玉嘉玉之類有以璋爲貴者赤璋琢璋圭璋  
牙璋駟璋大璋邊璋中璋之類有以璜爲貴者如玄  
璜琥璜大璜夏后氏之璜之類有以多爲貴者如兩  
敦兩圭四璉四圭六瑞六瑚弁十有二玉璫十有二  
旒之類有以瓚爲貴者如玉瓚璋瓚圭瓚之類有以  
竒爲貴者如山玄水蒼璫玳衡牙衡筭爵鬯不琢有  
邱璧羨渠眉之類有以大爲貴者如大圭大璋大璜  
之類有以長爲貴者如信圭躬圭穀圭邊璋七寸瑑  
璋圭璋八寸桓圭琬圭琰圭璧琮大璋中璋九寸鎮  
圭裸圭四圭尺有二寸土圭尺有五寸大圭長三尺  
之類又有五德焉潤澤以溫仁之方也鯁理自外可  
以和中義之方也其聲舒長知之方也不撓而折勇  
之方也銳而不拔絜之方也又有十一德焉溫潤而  
澤仁也縝密以栗知也廉而不劓義也垂之如隊禮  
也扣之其聲清越以長樂也瑕不揜瑜瑜不揜瑕忠  
也孚尹旁達信也氣如白虹天也精神見于山川地  
也圭璋特達德天天下莫不貴者道也嗚呼珠玉之  
可貴如此而以文章空言配之不已誇虛盧溪先生  
以明經中科而憲不達落落與時左允憂悲愉佚窘



窮喜怒思慕怨恨無聊不平有感於懷必於詩文發之紹興壬戌秋銓坐不肯與醜虜和議且乞斬主議大臣二人銓爵削竄嶺表先生送行詩有云名高北斗星辰上身落南州瘴癘間人爭傳誦至達權臣耳奏下江西帥司鞠治久之竄辰州時紹興己巳秋七月壬午也先生貶八年會權臣薨得旨自便先生思益苦語益工蓋如杜子美到夔府後詩韓退之潮陽歸後文也人得其片言隻字寶藏十革雖玉府所謂珠盤玉敦未足爲珍由是觀之以文章比珠玉未足過論先生自隆興癸未至乾道辛卯凡兩賜對對必

坐免拜玉音諄諄問勞欵欵退則賜茗藥束帛不貲書生之榮至矣銓頃於榻前論先生人物云雖老宰相材也蓋用狄梁公薦張柬之語上不以爲過然則上之知先生深矣儻未死其見用於時殆未易量也乾道壬辰六月長沙布衣劉君光祖與其弟紹祖寓書安成彭君叔夏走千餘里抵廬陵乞爲先生集序固辭弗獲遂書以畀叔夏先生姓王名庭珪字民瞻云敷文閣直學士降授左通直郎提舉江州太平興國宮廬陵縣開國男食邑二百戶賜紫金魚袋胡銓

序

右長沙詩集序

劉氏鑿  
齋重刊

盧溪先生文集序

李杜詩多於文韓柳文多於詩世之不知者便謂多者爲所長少者爲所短此殆拘牽之論而非園機之士夫賢哲之於世學以爲主用之則行其發而爲言有所謂不得已者其將激於中而發於外者乎卽是而爲詩卽是而爲文文卽無韻之詩詩卽有韻之文所以三百篇之美刺卽十二公之褒貶蓋本一致如此則李杜可名長於文韓柳可名長於詩又奚可以一偏觀耶盧溪先生王公民瞻江鄉大手以詩文馳聲者蓋六七年其少時志尚已高視功業如拾芥

既齟齬則發而見諸紙上皎如日星鏗如金玉芳如芝蘭浩如江河自然有一種竒趣他人之所強勉而公則信手拈來渾然天成公亦非有心於此是乃所謂激於中而發於外者其詩之多於文非此長而彼短也儒林於詩久以厭飫而文乃未廣有友劉江伯深慨然編集詩也文也相與並行於世然後公之所以無窮者不遺矣書銘記序諸篇嚴厲有法而上皇帝書并盜賊而論其經綸宏傑不減陸贄杜牧豈徒文而已哉伯深欲余爲序余喜伯深之識而不可默也書而冠其篇首淳熙丁未臘月甲申朝奉郎試

右諫議大夫謝諤書

○吉州東崗劉宅梅溪書院善本

盧溪先生文集序

紹興八年故資政殿學士胡公以言事忤時相黜又四年謫嶺表盧溪先生以詩送其行有癡兒不了公家事之句小人飛語告之時相怒除名流夜郎時先生年七十矣於是先生詩名一日滿天下里之士愛先生者謂詩之禍從古昭昭也先生不戒又欣然犯之適以濟權臣之威成小人之名此先生之禍也亦先生之過也或曰先生何過哉先生言直而詩工耳言不直詩不工世無傳也世有傳矣不見媚於明必見媚於幽故庭草隨意之詩空梁燕泥之詩飛燕昭

陽之詩不才多病之詩言非直也詩工而已耳詩工而言非直猶且小者逐大者死况先生之詩工而言直耶先生何過哉濟權臣之威亦稔其惡先生成小人之名未茗小人成先生之名先生何過哉未幾時相殂先生得歸又未幾上踐阼初召除國子監簿再召除直敷文閣年餘九十耳目聰明賦詩作文不見老人摧頽之氣朝廷想聞其風天下傳誦其詩禍先生者何知其非福先生者乎嗟乎天人之理其紊也或勝之其定也或正之不觀其定而觀其紊則古之聖賢厄於小人者皆過者獨先生之過也乎先生王氏諱庭珪字民瞻登政和八年第調茶陵丞與上官不合棄官去隱居盧溪者五十年自號盧溪真逸少嘗見曹子方得詩法蓋其詩自少陵出其文自昌黎出大要主於雄剛渾大云清江劉清之子澄評先生之文謂廬陵自六一之後惟先生可繼文者韙焉先生之孫澹及曾孫澂及其門人劉江銓次先生之詩文凡五十卷將刻棗以傳而太守朱公子淵復刻其詩於郡齋澹屬萬里序之萬里嘗侍先生之杖屨聞先生之誨言者欲辭敢哉淳熙戊申九月晦日門人奉朝大夫新知筠州軍州事楊萬里序



吉州東岡  
劉宅梅溪  
書院善本



盧溪先生行實

除國子監主簿誥詞

朕饑渴求賢惟恐不及一介之善固有遐遺矧吾黃髮之良而朕樂詢者乎爾粹然者儒凜有直節頃以言語文字抵忤權臣流落排根殆踰二紀召對便殿敷奏詳華京秩峻遷姑示褒寵尚展平生之學益思補報之忠可特授左承奉郎國子監主簿隆興元年八月十四日

除直敷文閣誥詞

勅古之所謂老者不稱其齒而稱其德也齒德俱高誰敢不敬以爾少而力學長而有聞今茲年九十餘而智識未衰行義益固錫對便坐富有嘉言庶幾古之所謂老者綴內閣之清班賦真詞之腆祿朕之所以敬老者至矣往服華寵益綏壽康可特授依前左承奉郎直敷文閣主管台州崇道觀乾道七年十二月二十二日

行狀

周必太子充撰

本貫吉州安福縣

曾祖著故不仕

祖祥故不仕

父爽故不仕

公姓王氏諱庭珪字民瞻其先大原人十一世祖該避唐末亂徙居廬陵郡六十里之何山好善樂施人號長者僞吳順義元年龍見所居陂田間有異僧云是將爲佛寺公宜北去百里遇三白即止子孫當繁衍且出文士長者如其言行至安成北之連嶺遇白馬一問其地名曰大白茆稍前曰小白茆乃家焉李氏保太中龍復見何山遂爲龍田寺今金地寺是也公之在母大父夢赤文亘天旣寤生公人知爲文字之祥矣元祐間自連嶺徙邑中公時爲兒童毅然有

成人風年十二三刻志于學晝夜不息弱冠通經史百家崇寧癸未舍法取士公一試右諸生何損以對策貶廬陵故工部侍郎郭公孝友送之學一日聽公講書歸以大義告損損驚曰後來之儔也明年貢辟雍時方錮史學禁士人說詩公獨學故顯謨閣直學士劉公才邵吟誦自若丁父憂家事一付弟姪居喪盡禮縣榜其里曰清節未幾芝產塋上木生連理人謂孝友所致大觀間提舉本路學事張公根欲薦以入行公曰此士之常乃以爲異耶辭不就登政和八年第調衡州茶陵丞邑大俗樸公擇秀民教以學應

書者歲增猾吏文雅善交結脇持橫甚前令丞莫敢治公獨發其姦言于郡黥徙之至今父老能道其事也先是湖南田賦不均茶陵尤甚富者受田不受稅以避力役公與令約凡執役者一毫無所湏民既不病後徐下令正其賦不悛者沒入之自是產與稅偕而後均矣丞舊兼造船塲有部使者嘗薦公旣而諉公後匠造私器公不可且歸其章使者大怒亦會與守倅爭公事遂拂衣去潭帥曾公孝序挽留再三頃之宰祿倪公濤左官來致書願交且責監司不能容一賢者其爲名人所重如此宣和末公年未五十知時事沾危無宦遊意學道著書若將終焉邑有盧溪築草堂其上鄉人號盧溪先生執經來者屨滿戶外紹興初州賦屬邑修城期會迫遽公語假令黃衡軍興民困城幸堅胡爲勞人衡告太守守大怒將劾衡公謂衡君蓋輕一官全民力乎衡即日解印綬去守聞愧甚爲輟是役趙丞相安撫江西竒衡薦于朝衡欲扳公固避乃已公雖不仕常懷經世心事苟宜民必告于當路宣諭劉公太中李公案皆遣官屬咨訪利病公盡言無隱二公賴之嘗著論二篇極言招安大盜之害洪帥李丞相竒其說未及用而去後帥叅



政張公守遂以遺逸薦于朝郡守右史王公洋號儒  
宗吏師下車首以禮幣邀公虛正堂延訪政事即學  
官聽公講經一時士大夫多爲歌詩紀賓主之兩賢  
也十二年今敷文閣直學士胡公銓以忠言忤時相  
謫嶺南親交無敢通問公獨送以詩語竒峻驚人後  
數年時相知之命帥臣鞠公謗訕坐流辰州遠人素  
重公爭以爲師武將馬羽攝郡事尤待公厚公謝曰  
某罪人也將累公羽曰繇公獲譴其榮多矣更遣子  
受業遂登科 大上更化許公自便時年幾八十讀  
書益力夜對短檠作細字率夜分乃寢今 上即位

有薦公者一見寤合詔畧曰粹然者儒凜有直節頃  
以言語文字抵忤權臣流落排根殆逾二紀召對便  
殿敷奏詳華特改左承奉郎除國子監主簿公以年  
高力求退命主管台州崇道觀令所在州常加存問  
旣歸滋以道誼化鄉閭無貴賤賢愚一接以誠平生  
工詩至是格力雄健興寄高遠讀者不知其齒之宿  
也心畫端莊自其天性人貴珍之乾道六年冬再召  
赴闕固辭 上不聽勅守臣備舟車禮遣仍以引道  
日聞踰年始至對內殿特蠲拜跪禮賜坐勞問甚寵  
上欲留公公固乞歸於是制誥有曰王某年九十餘

而智識不衰行義益固錫對便坐富有嘉言其特除  
直敷文閣復以崇道俸祿之加賜寶香茶綵皆異恩  
也公蒙犯霜雪往來數千里畧無勞瘁容明年三月  
己丑乃得微疾啓手足辭色不亂則其所養可知矣  
享年九十有三娶同邑劉伯玉女前二十八年卒一  
男頓一女嫁將仕郎彭飛孫男二人詹澹皆世其業  
孫女二人所著書有盧溪集五十卷易解二十卷六  
經講義十卷論語講義五卷語錄五卷雜志五卷滄  
海遺珠五卷方外書十卷校字一卷鳳停山叢錄一  
卷公學無不通而尤邃於易少嘗師鄉先生張汝明

晚自得於言意之表漢上朱先生震文定胡公安國  
鄉林向公子謹見其解皆歎賞以爲必傳公亦不輕  
示人欲獻公車會詩獄興郡守議收公理椽汪公洵  
奮曰王君剛介勇於義一紙書招之必來他掾變色  
云云自請提禁卒挾巡尉捕公守唯唯他掾遂行至  
則突入公家公談笑就違家四壁立惟易解鐫篋中  
卒疑其貨也繫以去他日公歎曰天厄吾書或謂今  
歲掾家云子頓卜以十年正月丙午葬公本縣清化  
鄉長賦之原使行速行狀將求銘於胡公銓惟昔伯  
父暨先君與公同爲政和戊戌進士故知公詳其再

召也必大適對禁中坐定 上問胡銓薦詩人朱熹  
王其卿識之乎必大既奏熹出處乃具言公年德文  
章在今未易多得且登第五十三年矣 上曰官卑  
何故必大曰斯人蚤忤上官晚復流竄官簿所以不  
進 陛下若哀窮悼屈厚加品秩錫之章服足以勸  
善 上曰俟其至議之明年公至 上命寓直西清  
蓋待以卿監去朝禮必大嘗白丞相濟公王其百年  
故老扶杖造朝意欲掛其冠神武門丞相能爲 上  
言俯聽所請而官其子非美事歟丞相曰君言是也  
上必不爲老人惜一子官明日又言之丞相曰決矣  
已而乃不報天其或者欲公子孫自以儒業發聞于  
世乎敢具列之敬俟筆削謹狀乾道九年十月望日  
年家姪左朝散郎提舉江州太平興國宮賜紫金魚  
袋周必大狀

墓誌銘

胡銓邦衡撰

乾道八年歲在壬辰三月己丑廬溪先生王公率公  
諱庭珪字民瞻其先太原人十一世祖該厭唐末亂  
徙居廬陵郡西六十里曰何山疆爲善稱長者順義  
初或見物若龍出於所居田間有僧求其處爲寺保  
太中所謂龍復見遂名寺曰龍田今金地寺也僧謂

長者自此北行百里許遇三白即止後當繁衍有以  
文鳴者如其言至安福之北曰連嶺遇白馬一問其  
地名曰大白茆小白茆遂家焉曾祖著祖祥父奭皆  
業儒以氣節聞於鄉元祐戊辰復徙居邑之南公生  
時大父夢赤文亘天寤而公生乃喟然曰僧言其告  
之矣公爲兒時凜然有立旣冠通經史百家崇寧癸  
未三舍法行公一試即爲選首爲潁水講書間出新  
貫聽者環堵時何損以對策許直竄廬陵侍郎郭公  
孝友受業焉一日聽公講歸以語損損驚異明年貢  
辟雖方禁史學及元祐學無敢犯者公獨與其友劉  
公才邵手不停披劉公後爲學士常德公不忘丁父  
憂一溢如禮撫弟姪人無間言邑榜其里曰清節亡  
幾何親塋產瑞芝木連理識者以爲孝友之祥大觀  
間提舉學事張公根薦公以應入行詔公曰此士之  
常以鈞爵位豈吾志耶辭不就政和戊戌登進士第  
調衡州茶陵丞民俗朴陋擇秀民勸以學士皆向化  
三年間應書者倍蓰猾胥文雅者勢傾一邑叅政不  
能去公把其宿負白于郡黥徙之舉邑稱快至今六  
十年人猶誦之茶陵田稅不均富者田多稅寡以規  
後公語令凡執役者邑毋得秋毫擾使安於鄉民旣



不病後田復元稅由是產與稅侷後不頗矣他郡之民以事訴于監司願得公決者相踵丞舊兼造船塲憲臺初與薦牘久之欲後船工造家具公却其薦憲椽怒甚適守倅亦不相能拂衣去湖南帥曾公孝序力挽留且欲薦諸朝不屑左司倪公濤方員外置致書願交復責當途不能容一賢者諸司大慚濤蓋政和間名士也宣和末公見禍根已萌葺草堂盧溪之上年未四十棄官却歸教授鄉里執經踵堂者肩摩人不稱其官曰盧溪先生紹興初郡賦工役修城時武夷黃衡攝邑公謂衡勞罷弊之民可乎衡白守守大怒欲械繫衡公曰民苟獲免身屈何傷即棄去守大慚服趙丞相帥江西薦衡衡歸功於公固辭廼止初江西盜作公著論二篇言招安之害李丞相帥洪欲行其言會罷去後帥叅政張公守遂以遺逸舉先是劉公大中李公案相繼宣諭各遣其屬諏以時政民瘼極言以對二公服膺公未嘗入官府右史王公洋爲州令齎書幣招致且虛其堂館公訪以闕失又延詣學官講習一時士大夫哦詩紀其盛公常懷憂世心紹興戊午銓以狂瞽忤時相壬戌秋謫嶺表士皆刺舌公獨以詩送行有癡兒不了公家事男子要

爲天下竒之句婉變者告許詔帥臣沈昭遠鞠治以  
聞除名竄夜郎公至人爭迎勞執經踏門者履滿時  
忠州刺史馬羽假守尊以師禮公曰加禮罪人恐與  
時左羽曰聞先生之名舊矣獲譴固所願且命其子  
從學遂中第公歸自夜郎年幾八十觀蠅頭字率夜  
分乃寢 上踐阼初召對劇剴切詔云粹然耆儒凜  
有直節頃以言語文字抵忤權臣流落排根殆踰二  
紀召對便殿敷奏詳華改左承奉郎除國子監主簿  
力乞去主管台州崇道觀令所在州常加存問乾道  
庚寅再被召固辭詔郡臣給輿楫趣遣仍具引道日  
申中臺明年冬始到闕引對免拜賜坐問勞令少留  
公以老丐還詰云王庭珪年九十餘而智識未衰行  
義益固錫對便坐富有嘉言除直敷文閣領祠如故  
仍賜香茗繒練士挈其榮公少從鄉先生張公汝明  
學易晚益悟於理表張公蓋作易索嘗爲御史繫蔡  
氏者漢上先生朱公震蕪林居士向公子誣過草堂  
談經旨常繼咎見所講易皆降歎文定胡公安國經  
從亦歛留且云公有經濟大畧文章特其餘事爾爲  
作易解序引公不輕以示人欲獻之公車會獄起郡  
守郭東集其僚議逮公獄掾汪君涓曰王君剛介勇

於義若幅楮之必來戶椽變色曰彼詆大臣可善待之乎請部卒會巡尉捕之遂行至則排闥突入公談笑就逮公之書緘鏘頗固衆卒疑竒貨豔以去公唱然曰此吾書厄遂不獲傳公土木形骸儼然不可犯雖市井無賴子見公亦歛沮人無賢愚貴賤一待以誠聞人善若已去有爲不善者畏公之知必慚惕自悔公學極高明尤工詩遷謫旣久語益竒書有楷法自一家平生治氣養心翛然有高舉意溘然而逝享年少衛武公之二娶同邑劉伯玉之女前卒男一人頓能稱其家女一人歸將仕郎彭飛孫男二人曰詹澹皆志學孫女二人有盧溪集五十卷易解二十卷六經講義十卷論語講義五卷語錄五卷雜志五卷澹海遺珠二卷方外書十卷校字一卷鳳亭山叢錄一卷將以淳熙元年正月丙午葬于安福縣清化鄉長賦之逾頓扶服乞銘銓曰侍郎周公狀自足傳信不朽焉用糞土之言頓請益虔不懈遂銘之銓頃於榻前論人物及公云雖宰相材也蓋用狄梁公薦張柬之語 上不以爲過公儻無恙殆未易量也嗚呼惜哉銘曰

材大而剛志直而方百世之豪抑疆掖弱蒐爾民瘼

小試牛刀臯比當路積其勢距雪虐風饕禮經墓式  
高止四尺德與山高

周益公贊盧溪先生畫像

嘲弄萬象雕琢太和不見詩人未老鬢潘先生九十  
乃爾顏醜窮則追澤畔之吟達則和沛中之歌人徒  
見其善者機吾獨謂之水盈斜蓋風披而文成非日  
鍛而月哦後此雖千二百歲可也彼造物者其如予  
何

韓子蒼跋盧溪先生題宣和御畫詩

自古正人端士一飯未嘗忘君又况形於歌詠贊美  
聖德之大者今觀王某所作宣和殿御筆鵲圖詩其  
於痛哭觀圖足見憂國愛君之切深至於此爾凌陽  
韓駒書

胡明仲跋盧溪先生盜賊論 即致堂

王民瞻常以盜賊論獻江西大帥李相公盡得盜賊  
根抵蹊隧大帥欲用其言而以官祠去矣時紹興七  
年也二十二年虔兵逐刺史閉城以叛平時帶刀執  
槌立刺史庭下者果應響也雖朝廷遣兵掃滅俱盡  
而諸將爭上功狀使當時用其策而禍消無冥冥之  
中則民瞻之言亦無以取錄所謂曲突徙薪無恩澤



焦頭爛額爲上客歎息久之余自嶺南歸聞其事遂取盜賊論題其後紹興丙子孟夏望日武夷胡寅書

謝諤良齋跋盧溪先生手簡

彭君夢協出示盧溪先生舊帖末後語諸甥就學必有事業意蓋可知今觀夢協氣宇不凡論議合理文華藻麗志在青雲當不負老先生之觀矣紹熙二年四月二十四日太平興國散史桂山謝諤書

楊文節公誠齋跋盧溪先生手簡

盧溪先生以詩取老檜之二沈其意出力儕先生以榮元勳竟何成耶先生料其不三年必有大咎未幾果若其言又四年檜亦殪古語云前車覆後車戒嘉泰壬戌人日後五日門人楊萬里敬書帖尾而歸之其宅相彭夢協云

李子賢跋盧溪先生手簡

盧溪王先生天下之士也晚而後遇雖不顯用於時然持正不屈聞者尤能興起於數十年之後比得安成劉君伯深所編文集觀其詞采議論已足以知其胸中之所存彭君夢協於公爲外孫家藏有墨蹟乃貶夜郎時往來書問言語鄭重字畫端正可以爲法矣至其自處謂如東坡先生在黃州時又謂處此泰

然無毫髮可慮之事則又知其所守之定雖困沮無聊而不變也慶元己未冬十月望日廬陵簿領李東子賢書

楊長孺跋盧溪先生手簡

歲在乙酉秋八月二十五日大志彭君名靖字安國來訪余示以盧溪先生王公家書十紙與曾祖親家諱安衡字仲平者三與其祖諱飛字凌雲者六與其祖母女百八娘者一皆先生謫居辰州時帖也其辭有二云朱守那城西安福寺見借舍宇明快度夏極涼寄猿皮一番與阿儀作劇歡愉安適無半點羈人遷客之氣者山谷先生謫黔州有家書與天民知命云吾在此甚安所居在南寺摩圍閣閣正對摩圍峯蜀人呼天爲圍屋極寬潔瀟灑冬溫夏涼風物似江西寄荔枝二百糖師六枚藥橙藥橘糖霜三糲與孩兒甜口兒兩先生言動殆晉人所謂將無同者耶想喜人爲之大息敬書其後而歸之于安國朝奉大夫直華文閣楊長孺書

歐陽玄跋盧溪先生手簡

余客族姪秉彛家贅倩彭君益謙出其曾大父夢協所得冰霏翁王盧溪先生復往書札跋者爲良齋謝

公誠齋楊公某子伯子藹然前輩風誼見於筆墨盧  
溪謫所書兩幅尤見居艱險如平夷宜與忠簡齋名  
於百世也

至正壬子十一月二十一日冀郡歐陽玄跋

盧溪先生文集目錄

第一卷

古詩

題宣和御畫

仙人春宴曲

觀駱元直經進江南形勢圖

長沙北禪覽古

方外菴聽惠端彈琴明日赴李似矩尚書招

遊青原呈王元勃舍人周秀實監丞

舟次白沙

寄胡邦衡兼簡陳僉判黃書記

向衡州生日

張持操携徐獻之侍郎書見訪兼出示著述  
中興論諸雜文爲賦詩一篇以文軸還之  
他日亦錄寄獻之也

過瀟瀟廟

送陳邦直知縣

贈別黃超然

寓郡齋過清閔軒與高虞卿夜話

趙逢源今春當赴省試以事失期乃首錢綱

往行在且欲觀母后回鑾之慶作詩速其行

送向宣卿赴朱相公參議

送吳叔舉主簿往清江受納秋苗

秋夜西園獨步

劉晞揚貧甚爨煙不屬而讀書不輟作詩遺  
之以激其志因叙其貧之所以然冀當塗  
有聞之者

送王舍人超武

第二卷

古詩

和劉美中尚書聽寶月彈桃源春曉  
和李巽伯少卿見懷

寅陂行

廬陵行

和程子山舍人贈高虞卿

題羅疇老家明妃辭漢圖

送向宣卿往衡山兼寄胡康侯侍講

贈齊軒仲素老

寄黃子龐兼問鄒德裕

贈康元革

送葛德裕

題秀光亭壁餞劉世臣劉仲美

送李亨仲赴荆南辟

麗人行

早行

### 第三卷

古詩

謝張欽夫機宜惠靈壽杖

魏彥成寄示桐川琅邪送行詩集奉次柳字

韻一首系于卷末



次韻張虔州兼呈向宣卿  
和李巽伯韻贈甥劉志道  
存存閣

次韻周秀實觀李觀察勒兵

送陸景莊提幹

次韻曾育才翠樾堂雪詩

送趙逢源赴趙提點辟

同陳思忠訪洪覺範

次前韻酬劉美中

贈忠襄公二孫

送安成知縣周子發

酬聶達夫惠所業

酬劉英臣載酒送花

次韻劉謙夫同年二首

次韻張子春賦瑤林春色

和陳柄臣見贈

和明胡敦實少年行

暴雨初晴

觀李氏畫

李仲孫佩軒

酬劉震仲

送南臺長老

第四卷

古詩

次韻方性夫同年見寄

和施倅重陽日謝予送酒

題禾山蕭秀才臥雲庵

題劉端禮步芳橋

余棄官累年劉元弼作詩見勉之韻奉謝

送駱仲武

送周覺民兼簡湘西故人

段居士粟菴

題周忘機畫軸

次韻李教授閔雨

觀徐明叔畫湘西磨崖圖

和介甫少狂喜文章

贈劉允升

劉端行自建溪歸數來鬪茶大小數十戰予  
懼其堅壁不出爲作鬪茶詩一首且挑之

使駭也

次韻酬向縣丞

送叙浦令宋元老總幹

題惠崇畫秋江鳧雁

次韻傅彥本三首

用前韻贈歐陽公制

第五卷

古詩

雅歌樓詩送永豐宰鄧晉卿

送董衮臣提舉

次前韻酬董衮臣使君見寄

再次韻酬岳州董使君

江虞仲生日

李真狂過盧溪盧溪慮其狂之無所歸作狂

語箴之

和周通判永豐破賊

題李伯時畫馬

送向豐之

和周秀實田家行

再和酬王元勃舍人見寄

贈蔣山僧



沅陵遇公美忽談道術如有所得將之桃源  
作詩送之

贈寫真徐濤

贈高伯強

和歐陽叔向寺丞韻酬劉漸父

郡齋次張參政韻呈王舍人

送通判周監丞

第六卷

古詩

送趙敏卿

題洪覺範方丈

次題周公子趙逢源過瑤林洞中探醪醑

送葉通判赴闕

送僧祖麟遊龍會

避亂東村逢南嶽簡上人

送劉宏夫昆仲赴省試

次韻韓朝美惠硯

次前韻酬羅思義

次前韻酬周公子年家

次前韻酬劉大虛惠端硯

王舍人生辰洋

贈彭時卿秀才

六月上澣陪王元勃舍人携客遊青原山周

秀實通判作韻語紀一時勝集奉次元韻

送劉義夫宰祁陽

次韻羅伯固聽琴

彭青老往禾山讀書所寓之室曰蟄菴爲賦

蟄菴詩一篇送之兼簡白雲元老

題向巨源南昌樓詩後

贈蜀僧妙高

戴國和得潘衡墨法於言意之外今携之湖

湘必有識之者作詩以送之

送彭秀才赴國學試

### 第七卷

古詩

遊真游洞

次韻折樞密題向萍鄉堯爾堂

寄賀魏彥成郎中

謝魏彥成知郡寄惠漂布

題向宣卿伊山有裕堂

題劉知縣後隆堂

贈別劉文卿

題王主簿逸老堂

題羅氏餘慶堂

送劉熙載赴省試

贈劉亞稷

謁王宣子舍人

張元暉生日

和王宰早梅

贈歐陽伯威

送頗姪郡學讀書

還劉秀才文卷

和通判周監丞見贈

### 第八卷

#### 古詩

和趙叔清蠟梅

江亭候施倅鯨翁阻水漲作詩寄之

聞郡中請賢老住報恩作詩贊之

贈羅道人

贈蜀僧無觀

次韻胡邦衡衡陽縣瑞竹堂

和胡觀惠詩兼致守倅招延之意

和施倅歲暮感懷

和歐陽廣明竹間桃花

第九卷

律詩 五言

秋郊曉興

送謝夢叟昆仲之湘江

秋夜同周子康登辰州城樓

清江留別任子巖

送客

次韻方性夫同年見寄

用朱希真韻寄葛主簿

再和一篇兼寄朱希真

溪上春日

送樂秀才歸新淦

春日遊鶴湖山

鳳傳館中秋

和葛德濟見懷

送妙空大師往柳陽省兄

宿唐興寺夜雨

和周監丞聞京洛關中收復四首

送劉禹錫之官五羊

秋夜

曉行唐興寺道中寄劉美中

清軒

亂後過東山寺

和黃子餘湖南道中寄弟子默一首

又和酬子餘

又和酬子默

頗姪明碧軒

和李巽伯送劉德基赴縣齋

郡燕新進士胡文侍讀即席賦詩因次其韻

郭教授南窓置酒觀競渡次坐客劉時舉韻

再次前韻

送郭教授代人

第十卷

律詩 五言

廬山道中寄送聶名世

次韻楊廷秀臨安小樓不寐之什

次韻李巽伯贈琴僧惠端

野外春日

送向主簿

題劉元弼遠菴

辰州上元

用前韻酬清首座

早春遊孔志行園

春日携頤子同劉養正教授遊淨國寺至李家園

清明日訪胡師顏

入辰州界道中用頤子韻

憶馨鴻二孫

題步雲軒

題昭昭閣

和余教授

和胡觀光聞蟬

送李彥明

江上

送楊彥昭往湖南謁陳夢肇運使

謫辰州



沅江上晚晴用頓子韻

次韻周秀實通判送段季裕還永新一首  
惜春亭席上和伍孺安醑醪

同施倅遊壽昌觀

贈惠門端師

齊雲閣

清音亭

次韻伍孺安賦草堂瑞香

水亭

遺經閣

第十一卷

律詩七言

寄黃平國正字

陪周秀實通判遊歐陽炳文園晚過隆慶寺

契真亭

和李巽伯少卿見懷

次韻徐漕按部至廬陵見訪

寄程子山舍人

過劉美中新居

陪元執舍人秀實監丞遊徹見閣

登滕王閣二首

贈黃伯成

寄賀劉美中舍人直學士院

出城北由山徑入徹源忽逢荷花彌望不知  
為何處詢其地名曰長塘又行數里行大  
路出連嶺作詩記之

長沙試殿聞傳彥濟永州考試還先寄此詩  
再次前韻

春日山行

正月二十立春觀雪次韻向文剛

再次前韻二首

避亂深山蒙兄寶君寄牡丹數枝鮮妍不減  
平日始覺茅簷頓有春色感歎之餘因成  
拙句

再過東岡

送元上人遊仰山歸泐潭

次韻歐陽叔向水中月

次韻周子發喜雨

和胡觀光登酒樓

和趙叔清書事



和陳相之至日即事二首

新學落成釋奠諸生畢集喜而有作

和歐陽周弼

別葛德裕主簿

和葛德裕別後用舊韻見寄

送裴主簿

移居東村作

送鄒去非

次韻向文剛晁叔易遊青原

安成再逢黃平國

## 第十二卷

律詩七言

題郭秀才釣亭

次韻江正邦

正邦聞王師來駐辭歸禾山次韻以別

和謝倅謁縣學

和周公予遊春用前韻

酬張公敏示古戰場賦

和李彥文

送李成叔歸峽江兼簡蕭懋德

次韻裴主簿述懷

謝直夫乘小舟訪予于橫山堂兼惠佳篇奉

次元韻

春日橫山堂有懷謝直夫用前韻奉寄

草堂東橋翫月

謝同年李提舉見訪

和趙叔清登殷仲堪讀書臺二首

春曉招友人

和周公予呈向宰

次韻黃元授見訪

次韻胡觀光長慶寺早起

和黃元授喜雨

次韻荅劉元弼

次韻何倅雪詩

賀郡守生辰二首

蠟梅寄陳相之侍郎

和向宰喜雨

第十三卷

律詩七言

劉美中自翰苑歸追懷平昔之遊再過唐興

寺陳迹依然輒成長句奉呈

唐興寺再呈美中

送胡邦衡之新州貶所二首

次韻周公弔秋日書懷

和曹溫如都監惠詩

次韻呈劉立道宣諭二首

向文剛讀書齋試雙井茶有懷黃超然

二月二日出郊

次韻謝同年劉子堅生日惠詩

和劉元弼亂後見訪

朱通判見訪病不能出以詩謝之

和井令西山石屋感雨

次韻謝處州倅毛長吉見訪惠詩

再次前韻二首

和胡觀光黃元授二首

讀韓文公猛虎行

向宣卿生日

次韻歐陽叔向寺丞早春呈周子發知縣

謝劉時昇見訪

送別葛德濟

再和葛德濟舊韻

題劉端禮達軒

重陽日送李彥文之衡湘兼簡向豐之

用前韻酬豐之

再用前韻酬胡觀光

從叔君冕見訪山間自云平生躬耕釣無求  
於人中有至樂今某作詩寫其蕭散之狀  
爲賦此篇

和劉元弼見寄

次韻李世京惠詩

和劉端禮避地初歸見訪

和劉允升夢草菴前月夜看醪醑

和端禮惜花苦風雨之句

### 第十四卷

律詩七言

題曹子方詩集後

次韻劉升卿惠焦坑寺茶用東坡韻

嚴子陵釣臺

送劉美中舍人赴漳州二首

次韻羅世英

送歐陽南卿并簡胡紹立

和裴主簿九日

安成逢吉守李西美舍人二首

喜楊文發生子

周公予監塲解官

和劉元弼筠亭

和劉元弼邃室

和李巽伯少卿新年憶行在二首

和謝夢叟思鄉用李巽伯韻

次韻謝鄭教授二首

和曾英發見寄二首

和曾若虛

再次曾英發

次韻蕭明強追和芙蓉菴

次韻周秀實過草堂夜話

和裴主簿栽花

和劉克強謝仲振

送蘇元老自春龍陽

次韻義夫同年見寄二首

和劉賓王縣尉

次韻劉炳先昆仲見寄

第十五卷

律詩七言

和歐陽炳文汝舟醪醑

次韻胡次魚送歐陽景蘇鎮州教授

別黃伯成

送同年趙季成赴行在

送劉子東赴省

趙逢源家有妹麗每造謁必見拒今侍令兄

府判東遊作詩爲別兼以見意

次韻趙文卿因以送行

和施通判以詩惠茶

再和

重陽日劉元弼亭席上

周德祖自衡陽相別三十餘年會余竄夜郎

德祖來知南江寨相遇甚款道舊興懷輒

成長句

九日以菊花酒寄施醇翁通判

盛暑中黃子餘主簿携雙井茶見訪

次韻鍾令



感雨癸丑

和李彥文春雪

縣僚禱雨盤藤廟連日大澍次韻黃超然  
再和前韻

喜劉世臣仲美及第

送歐陽廣明遊仰山兼簡慈書記二首

次韻送別曾英發

和劉元弼歲除書事

題譚微仲一經堂

第十六卷

律詩七言

九日登鴻飛臺

豫章別彭養直

送任子嚴江西運幹

留別黃子默

次韻郭偉節段延直見寄二首

渡瀟湘江

自江上游龍興至淨因寺

賀王彥恭新除湖北漕

寄湖北總領彭子從郎中



廬山文集目錄  
春晚同石子文遊歐陽叅軍園問其主人已  
物故獨一老婦開門亭檻幽雅醪醑方盛  
開因歎二年卜居隣巷相去數十步而未  
嘗一到作詩記之

送黃彥謨通判岳州

朱致一來守辰州先致啓書余以病未及荅  
而致一壓境以詩迎之

閏十二月自城東泛舟遷居以西安福寺舟  
中微雪

李郎中生日

報恩寺避暑

乙亥立春夜雨平日大雪

和馬德儉韻

劉時舉主簿相別三十年忽相遇于沅湘之  
間古夜郎郡也郡素窘俸饋不繼垂橐而  
歸相聚月餘賦詩爲別

早春懷葉觀察

送頓子還廬陵

次韻葉起商揚茂之

次韻酬祝彥直

李守拉登譙門觀修城

次韻李宜仲見懷朱崖夜郎二逐客

辰州僻遠乙亥十二月方聞秦大師病忽蒙

恩自便始知其死作詩悲之

次韻段季裕惠詩二首

次韻葉起商

和向令製錦軒

次韻酬劉遂卿

### 第十七卷

律詩七言

初至行在

上殿退朝口號

送王舍人赴明州過關二首

次韻楊廷秀求近詩

胡邦衡移衡州用坐客段廷直韻

次韻張子家見訪惠詩

用前韻贈別子家

送黃子默湖南機宜

送同年趙季成知武岡軍

歐陽彥文晚始得官爲邊郡獄掾乃州里宿

儒於其行也詩以餞之

送趙文卿之湖南

次韻張子家新除浙西撫幹見寄

次韻路節推瑞香幽蘭

楊文發自長沙相別忽來權邑惠詩次其韻

次韻楊文黼

次韻黃伯思求其祖夢升墓銘跋

胡邦衡北歸先寄詩二首次韻迎之

和吳思道韻寄郭德耘

左世勣妙年登第而飄泊遐荒十年不得調

蓋嘗以事忤權貴今公道方開始欲仕進

索余賦詩

次韻酬周孟覺

聞梁養源歸臥病未出作詩問之

送頓子歸廬陵

送黃介可

謝同年趙季成通判見訪

送劉克強再赴殿試

願軒

題青桂亭

和劉喬卿雪詩

第十八卷

律詩七言

中夜起坐惜春亭月照醑醺清香郁然因成  
四韻

任子嚴凌風閣

楊文發將趨行朝輒用所惠詩次韻一首贈  
別

寄聶貫遠

張紹祖雙秀亭

題竹溪讀書堂

扶疎堂

和曾英發見訪惠詩二首

別後再和一首

謁魏彥成郎中

王主簿清暑閣

段廷瑞四美堂

次韻周穆卿教授兼簡黃元授司戶

讀晉史偶書

次韻贈隨上人

送李仲文赴省試

謝梁廉濟運使見訪

離行在別胡舍人

生日周公予惠詩次韻

資深堂

清暉亭

次韻歐陽廣明以詩送鉢盂

次韻歐陽廣明

次韻劉唐卿

雪中訪胡次魚因覽新詩次其韻

和王彥謨縣尉二首

次韻常德府葛侔見寄

和王彥休

### 第十九卷

律詩七言

夜讀唐鑑有作

次韻蔡德億年聞子規

贈胡紹立

送項直卿赴省

劉太虛作十花詞相示復以詩來有求揮斤

之句兼簡中間僕無恙吠犬不爲災次韻  
一首奉酬

次韻董體仁叅政

次韻李昌齡以詩督景賢堂詩

宋英臣景賢堂

劉君鼎主簿登第累年家貧猶待闕欲遊章

貢謁梁提刑作詩送之

送劉簡之兄弟赴省

謝向提刑見訪

送魏彥成赴召

魏彥成座上忽見擒至吉水賊奉呈彥成

西園探梅二首

次韻劉景明寄詩求近作

外孫劉子野遊學南安纔歸數日又告行忽

忽贈以一詩爲別且以勉之

送劉天遊益明赴省

次韻曾英發

酬梁宰惠遊永新百韻詩

謝郭運幹見訪二首

次韻劉子方喜雪



懷故人留題

次韻王秀才

波光亭

醑醺

和黃元授送趙敦本赴萬安宰

和元授閔早

第二十卷

絕句

建炎己酉十二月五日避亂鴿湖山十絕句

次韻贈周師禹二首

贈李子安

次韻高秀才

贈松菴僧

和鄭元清同遊殷仲堪讀書臺二首

梁道人借示丹經數冊閱未遍輒告行歸其

書贈之以詩二首

謝彭仲寬惠小茶磨并仙茅二首

次韻魏伯元

侯大淵惠花

和讀書臺入夜即事二首

次韻盧贊元蒙田寺橋亭夜月

次韻劉美中贈段居士

次韻贈慈書記

次韻向文剛三絕

兵火之後家歲墳籍蕩然寄居江村欲借書

諸公先寄此詩

歐陽廣明病中覓酒

胡烈臣臥雲菴

和葛德裕寄紙覓蘭四絕句

聽麟師誦經

荅蕭道人

第二十一卷

絕句 讀唐遺錄六絕

梁祖紀

李愚劉胸同傳

楊師厚

成汭

安審信

馮道

次韻盧元贊江亭即事二絕句

縣尉任子嚴出示從軍陪大將吳侯遊石峒  
五絕句奉次元韻頌平賊之功云

贈筠州司戶施文叔二絕句

送周解元赴岳侯軍二絕句

雪中贈別黃秀才

劉虞卿衣弊履穿有號寒之憂賦絕句以道  
其意

次韻黃子餘二絕句

次韻劉英臣早春見過二絕句

送羅孟弼

次韻周希稷餉耕三絕句

贈寫真劉琮

送風雅長老

送胡紹立往高陂遊學

遊湖頭觀桃花行數里彌望不絕有僧新開  
蘭若於萬花之中留三絕句書辯公房

歐陽公制糧盡扣門索米戲書絕句送之

次韻趙逢源秋日溪居十絕

題畫鯉魚

適從縣門下經西湖上歸見竹間桃花盛開

湖上景物一新因成兩絕句呈向宰

再次韻二絕句

次韻韓宰上元二絕句

和劉英臣見寄二絕句

幽蘭寄向文剛二絕句

次韻黃超然

雪中遇胡烈臣歸自郴陽戲成一絕

第二十二卷

絕句

衡嶽銓德觀作

清江張氏活人堂二絕句

次韻謝昌國

雙田逢蕭國器話別

和康晉侯見贈

雪中以酒送歐陽廣明表叔明

鄱陽周師禹求清軒霧齋詩

送彭士貴

劉天錫之子八歲能作大字今年十三矣筆

畫愈進有雄健之氣作二絕句贈之

郊外留別友人

寄劉世臣仲美

贈無識道人

謝張東言

惜春亭觀酴醾

彭青老好談禪喜作詩有謀身之語借其語  
激之

漁父詞

曦上人頃脫塵網可謂俊哉衲僧也絕句贈  
之

第二十三卷

絕句

遊沅陵劉道人菴中唯一禪椅不置臥榻云

不睡四十年矣戲作二絕

次韻陳君授暮春感懷

一  
辰州馬觀察送酒

董仲儀來夜郎訪死生

次韻酬國子生趙秀才四絕句

程子山侍講自靖州貶所歸相會于武陵怪

余顏鬢未改作四絕句示之

次前韻酬趙提幹



謝郭景文寄魚鮓

雪中喜梁養源惠炭

江上

竄居夜郎雪中杜門數日不出忽郡中送春  
來始知今日立春

寒食日孟司理送酒

郭仲質南窓

夜坐聽沅江水聲

辰州立春清首座送生菜餅

王巖老携詩見訪詩未究雪下索余作詩贈

之

初寒方葺火閣而會溪知城周子康惠竹簾  
火爐審公瑞惠蒲團便足了一歲無事矣

作二絕荅之

寄贈王保躬求小山石

寄子老

訪清首座觀菴微

贈別陳君授

離辰州

尋小舟東下忽見巨艦有作

次韻任子嚴

書覺範詩後

戲贈文彥明

和羅思武作子房孔明二詩見贈

次韻周孟覺記皮老人事

吉州凌波亭月夜

贈日者張谷

第二十四卷

絕句

癸未春被召東山益老來賀曰趙州八十猶

行脚以詩荅之云

寄張正伯求木樨

送黃秀才歸臨川

夜郎東歸黃去非自雙井來惠以新詩妙畫

次韻三絕句贈別

贈別僧紹存

和趙伯達二絕句

次韻彭青老詠雪三絕句

贈曦上人二絕句

次韻劉惠直梅花二絕句

夜郎歸日蒼葛令惠詩

南嶽張道人見訪言論疊疊若有所自非鹿  
鹿然者也撫其語作詩贈之三十年相見  
爲汝掀髯一笑考其所目也

次韻李宜仲以詩寄龍涎

戲向文剛生子

和曾英伯

雷秀才嘗學詩於呂居仁能談江西宗派中  
事輒次居仁韻二絕贈行

周秀才取古物作十絕句見惠如豐城臨平

鼓之類作一絕句題其後

贈寫真胡生二絕句

八月十四夜彥和置酒待月遇雨

觀競渡次壁間絕句

謝子發惠茶

謁僧惠端不遇

和劉端禮

國材姪送林檎

贈清首座

和裴主簿桃花

秋蘭寄知縣陳邦直

和荅邦直二首

美胡烈臣晚年生子

和彭養正陳令尹

和劉元弼見招

贈相士

問訊王道之病

贈宜春筆工

步芳園

湖頭觀桃李四絕句

茉莉花三絕句

第二十五卷

挽詞七言

挽劉美中尚書

挽彭子從郎中

挽王自然二首

挽王夫人周子充舍人母

挽盧宜人二首陳敏叔夫人

挽黃忠臣二首

挽戴彥成通判

挽劉公弼

挽王脩華

挽劉英臣

挽徐子平

挽羅荆老

挽鄭教授

挽曾氏安人

挽范孺人

挽瞿氏

挽易氏

挽劉子儀

挽歐陽仁叟

挽張氏安人

挽歐陽宜人

挽王氏夫人

劉英臣母

挽王氏孺人

挽郭氏孺人

挽聶氏孺人

挽露氏恭人

挽丁陶明縣尉



挽劉宗望

第二十六卷

書

上皇帝書

上李丞相書

第二十七卷

書

上趙丞相書

與宣諭劉御史書

與胡待制書二幅

第二十八卷

書

與黃平國正字書二幅

荅鄧克強書

與向宣卿直閣書二幅

荅方耕道刪定書

第二十九卷

書

荅王元勃舍人書三幅

與周秀實監丞書三幅

答劉喬卿書

第三十卷

書

答張欽夫機宜書

與黃子龐書三幅

與鄒德裕書三幅

答黃元授書

答趙季成書

第三十一卷

手簡

答董體仁叅政 兩幅

與劉美中尚書 三幅

與王元勃舍人 三幅

與彭仲平親家 三幅

與彭郎凌雲將仕 六幅

與百八娘

答呂知府郎中

與彭子從提刑 三幅

與胡觀光知府 三幅

與元元觀

月溪文集卷之  
答楊文發

與劉舜元 三幅

與胡至文

答楊秀才

第三十二卷

手簡

與胡邦衡 四幅

與向宣卿

與任子巖

答方性夫 二幅

答周孟覺

與楊文明

答劉彥純

答楊廷秀

與劉子東 三幅

答李仲孫

答胡斗南

與楊文黼

與劉子方 三幅

答王允元

慰楊建之

荅王彥恭運使

第三十三卷

論

盜賊論二篇

第三十四卷

記

遊廬山記

靖共堂記

西峯寺重修三秀亭記

龍須山轉輪經藏記

寄軒記

隆慶禪寺五百羅漢堂記

西山記

第三十五卷

記

吉州新修教授廳記

安福縣重修學記

瀟瀟廟記

鳳林橋記

上成觀三清殿記

足齋記

重修東華寺記

第三十六卷

序

王彥休春秋解序

任氏二子字序

衡州送行詩軸序

送劉簡之序

送劉君鼎序

梁養源道德篇論序

送黃秀才序

送劉得昇序

第三十七卷

序

送劉天遊字序

送子野東遊序

贈饒子序

贈劉呈才序

詹澹字序



送李生序

送卜者吳唐佐序

贈尤生相序序

贈劉德素序

第三十八卷

啓

回王舍人啓

回魏寺正啓

賀王守除直寶文閣啓佐

回蔡寺丞啓洗

賀楊徽猷子登第啓

第三十九卷

啓

賀劉舍人啓才邵

回周舍人啓必大

賀向提刑啓

回路知縣啓植

賀趙叅政啓

代上万俟叅政啓

賀廣東向經略啓

與陳朝散啓

回陳主簿啓謨

回孫縣尉啓赫

回劉主簿謝及第啓

回劉解元啓亮采

回李祖文謝解啓

回蕭解元啓

頓子定婚啓

詹孫定婚啓

澹孫定婚啓

第四十卷

盧溪讀書堂上梁文

安福縣廳上梁文

安福縣學上梁文

致語

軋龍節致語

天申節致語

閱軍致語

疏

請智老住東山疏

請如老住曹山疏

請簡老住報恩疏

高峯禪寺修殿疏

第四十一卷

銘

遷善齋銘

惠端琴銘

惠門寺鐘銘

寶珠寺鐘銘

贊

仁山五百羅漢贊

圓通贊

洪覺範畫贊

李伯時畫像贊

歐陽公制贊

杲和尚畫贊

鑑達觀畫像贊

路正卿像贊

王脩華畫像贊

劉大虛喜神贊

英和尚贊

頌偈

戲調義高

答王道之

贈姪孫行深

贈度門僧

祖麟作東山藏主以一偈送之

贈行者悟本

和耿伯順贈李居士

李居士再次前韻贈之

再次韻呈智禪師

唐興寺上方

震禪師喜談傳燈錄謾以一偈示之

祭文

祭楊徽猷文

祭向宣卿文

祭劉元弼文

祭劉英臣文

祭劉世臣文

祭黃子默文

祭舅母雷氏文

第四十二卷

墓誌

故資政殿學士同知樞密院事贈觀文殿大

學士聶公墓誌銘

故右朝奉郎通判筠州黃公墓誌銘

故令人劉氏墓誌銘

故王夢授墓誌銘

第四十三卷

墓誌

故右武大夫江南西道兵馬都監西河縣開

國伯許公墓誌銘

故歐陽縣丞墓誌銘

故王氏墓誌銘

故劉元弼墓誌銘

故段夫人墓誌銘

第四十四卷

墓誌

故右奉直大夫康公墓誌銘

故左朝奉郎前知澤州董公墓誌銘



故駸尉劉公墓誌銘

故彭夫人墓誌銘

故王氏夫人墓誌銘

第四十五卷

墓誌

故左朝奉郎劉公墓誌銘

故孔氏夫人墓誌銘

故劉推官墓誌銘

故桂嶺劉府君墓誌銘

故呂氏宜人墓誌銘

第四十六卷

墓誌

故保義郎劉君墓誌銘

故左奉議郎劉君墓誌銘

故弟才臣墓誌銘

故弟漢臣墓誌

故弟德莊墓誌

劉氏二婦墓誌銘

故李夫人墓誌銘

故劉君德章墓誌銘

第四十七卷

行狀

故校書郎曹公行狀

故左奉直大夫直秘閣向公行狀

第四十八卷

題跋

跋黃嗣深所藏宣和御書

跋蕭岳英家黃魯直書

書漢武帝故事後

跋錢勝夫蘭亭序後

跋向文剛蘭亭序後

跋圓覺經後

跋李及甫帖

書傳道集後

題華嚴寺壁

書鶴湖寺壁

跋大年畫

跋劉伯山詩

跋梁養源心經解義

跋程子山詩後

第四十九卷

題跋

跋黃給事行狀藁

跋彭大博家傳

書黃山吳道人墨

跋趙李穆帖

跋錢希白上宰相啓

跋二蘇帖

跋黃魯直帖

跋范文正公帖

跋楚老帖

跋劉美中書李氏先墳連理木

跋黃秀才詠史詩

題珪粹中偈後

跋謝仲振所藏秀王帖

跋趙從季所藏吳傳朋千字文

跋靈樞經

書李仲孫程文

第五十卷

題跋

跋盧贊元題借春亭詩後

跋王樞密環秀亭詩

跋顏持約詩

跋曹子方墓誌銘

跋王元勃鳳林橋詩

跋黃夢升墓誌銘

跋胡侍郎撰北真觀記

跋蘇養直贈李東詩詩

書向豐之詩軸後

書汪聖錫簡後

跋曾世選二賢論

跋趙德全家大年畫

題唐興寺壁

跋錢吏部燕舉人詩

書贈墨工戴國和

盧溪先生文集目錄終

盧溪先生文集卷第一


左承奉郎直敷文閣主管台州崇道觀王

庭珪氏瞻

古詩

· 題宣和御畫

玉鎖官扉三十六誰識連昌滿宮竹內苑寒梅欲放  
春龍池水暖鴛鴦浴宣和殿後新雨晴兩鵲飛來向  
東鳴當時妙手貌不成君王筆下春風生長安老人  
眼曾見萬歲山頭翠華轉恨臣不及宣政初痛哭天  
涯觀畫圖



徽宗皇帝臨御日久海內無事唯不忘翰墨  
之娛見者知其爲御盡也臣旣獲仰觀俯卷  
大息思宣政間當國家太平極治之時景物  
宛不覺流涕乃再拜稽首而賦是詩紹興丙  
寅三月望日小臣王庭珪謹題

仙人春宴曲

高樓玉珮搖春風銀槽壓雨珍珠紅天留曉月十分  
魄飛光下照仙人宮瑤姬半醉過鼉鼓綵鳳吹笙黃  
鶴舞雙成翠袖織藕絲麻姑行厨擗麟脯金盤燒蠟  
夜未央從妃進果蟠桃香坐上花開人未老他日重  
來花更好三千年後忽相逢再約羣仙醉蓬島

觀駱元直經進江南形勢圖

異時漢網踈天討胡兒馬鬣江南草石頭重戍豈無  
兵將軍不識丹陽道至今戰骨埋秋霜傷心不忍問  
耆老龍蟠虎踞昔何雄赤壁濡須在眼中潯陽江水  
射蛟處旌旗拂天來向東艤艦塞川不敢下昔人曾  
此破曹公橫江九道波翻屋試請輕兵渡淮曲夜入  
長安人不知應見畫圖心已熟他日將軍按此圖鼓  
行如西如破竹

長沙北禪覽古

寺有吳王女墳



明湖漲天光春雲如粉碎吳王宮女罷吹簫象牀玉  
梳今安在桃李初開映綠池綠池水暖搖花枝聞道  
只今池上月照見吳王繁盛時當時粉色艷月彩今  
日古墳煙草衰草衰不見吳宮事唯有月下孤猿啼  
猿聲哀告問不得又恐清曉催黃鸝

方外菴聽惠端彈琴明日赴李似矩尚書招  
浮雲捲盡天無風青山啣日猶半紅誰彈烏啼夜鶴  
怨平明結客長安中大顛初識韓吏部清檠亦叅裴  
相公尚書氣欲吞胡虜手挽天河作霖雨響泉韻磬  
應自携昵昵莫爲兒女語爲陳古操有平戎此曲聊  
堪佐旗鼓

遊青原呈王元勃舍人周秀實監丞

異時黃魯直嘗賦青原詩至今青原山名與星斗垂  
自從有宇宙孰能磨滅之昨日從大旆上讀前人碑  
欲學下一語自覺落筆遲我等如淇輩後世誰復知  
治君千載人治中同一時兩公俱大手妙語仍崛奇  
得句未肯吐神物慙護持光艷出月脇當留照巖扉

舟次白沙

朝發螺浦湄暮宿白沙口初爲夜行計有物應掣肘  
山雲四面起風濤半江吼落帆危石磯就枕不敢久

林深鳴鶴鵲村遠聞鷄狗夢覺知月明破蓬見牛斗  
起視天色清解纜欲放溜浪頭聒天響掀簸入我牖  
蒲帆未及張篙師復回首渡頭有古祠壁畫雜怪醜  
舟人相與言勸我酬神酒出處本細事陰晴亦常有  
我固不問天豈問土木偶

寄胡邦衡兼簡陳僉判黃書記

斯文久寂寞誰應擅雕龍萬事問伯始今復得此公  
濤瀾翻筆舌錦繡蟠心骨平時吐佳句逸氣如長虹  
制策收俊異行當推選鋒元龍湖海士江夏無雙童  
詞彩俱秀出春葩發青紅鏗鏘排律呂純音玉淨淙  
草木吾臭味坐隔神螺峯遙聞玉荆產長松想清風  
安得且餘勇提戈譟其中且願試音響徑須撞巨鐘

向衡州生日

今右相與  
公同生日

嗟峨閭闔西風回赤霄夜半天 開昂星麒麟下穹  
昊兩家同日生公台兩公為誰張與向人物堂堂真  
漢相願公接武未央庭禁直金鑿對方丈

張持操携徐獻之侍郎書見訪兼出示著述  
中輿論諸雜文為賦詩一篇以文軸還之他  
日亦錄寄獻之也

君不能徒步上書獻天子又不能移書帝城結王公

欲將筆刀扛九鼎紙上有說能平戎宣和治極久忘  
戰羯奴騎馬嘶淮甸是時猶屯百萬師無人北向放  
一箭大臣搏手知何為草間公卿兒女啼至今謀國  
無上策讀君斷藁令人悲君家人物照青汗曲江猶  
識胡雛亂他年論事要回天應向荊州尋好漢

過蕭瀧廟

瀧江欲度虹為橋瀧濤春擊蛟魚跳瀧頭有廟非一  
朝瀧民猶傳神姓蕭殿脚插入白鷺腰青原舞翠挹  
岩堯朱甍日出煙霧消碧瓦不動磨青瑤忽然飛電  
掣紫霄天為借怒生竒颯遊龍揮雨洗沉寥桂花墮  
落香雲飄百年古木號鼉能變化擊鼓鸞吹簫官艘  
賈舶膽欲焦廟前泊櫓不敢搖楚詞跪奠設漿椒瀧  
之靈兮或可招

送陳邦直知縣

道邊車馬來不休傾城出送陳大丘大丘愛民如父  
母故令民作嬰兒愁各持杯酒塞行路衆人欲挽我  
獨不我記殿前初射策臚傳高名落九州同年袞袞  
上臺省公獨執板拜督郵况茲小縣天一畝不煩細  
民遮道留繡衣飛章動冕旒行必召對螭坳頭君王  
端問活國計大畧要洗儒生羞

贈別黃超然

我生不識黃大史猶及諸老談遺事藍田生玉海生  
珠謂君眉目無乃似誰作江西宗派詩如今傳法不  
傳衣句中有眼出月脇密付嫡孫人未知宗風後必  
喧人口雲夢更須吞八九他年拈此一瓣香獅子窟  
中獅子吼

寓郡齋過清悶軒與高虞卿夜話

戶牖隣清悶深夜客扣關開門見脩竹人與竹俱閑  
雨竹窗外響風從屋頭還羨君屏百事讀書蒼翠間  
刺口談治亂筆挾風霜寒更覽珠玉文洗我永雪顏  
歸來興未盡危坐聽珊珊

趙逢源今春當赴省試以事失期乃督錢綱

往行在且欲觀母后回鑾之慶作詩速其行  
去年秣馬望行宮飄然氣若摩霄鴻不學提携百金  
劍不倚能彎兩石弓徒誇讀書飽藜莧筆陣欲敵千  
人鋒要登月窟取官職不使官出堯釜中丈夫功名  
自有日春闈已過落花風今當獻計隨羣吏到時萬  
井歡聲沸慈寧殿前催起班看君入賀鳴靴臯

送向宣卿赴朱相公叅議

旄頭彗天天狗墮一日中原作奇禍金竿突繞都城



光鐵馬橫嘶御街過邇來十年不解兵盜賊軍書急  
星火將軍藩身養脇疽帝命相公期必破指揮貔虎  
下天來奮臂一呼皆袒左相公元是帝股肱提師辟  
士收豪英君才累試當劇郡羣兇落膽知威名麾下  
傳聞有飛將一箭曾射挽槍星公謀豈止當十萬要  
挽天河洗甲兵君不見河陽軍烏重嗣參謀初拔溫  
處士遂令冀北馬羣空石洪亦有河南至又不見裴  
晉公取淮西幕下正用韓退之乃能夜縛吳元濟至  
今留得平淮碑如今相公開幕府豈減烏公與裴度  
席卷江湖浪波清貂鼎勲庸歸自取

送吳叔舉主簿往清江受納秋苗

田頭作穀催八場一半白著輸官倉廬江主簿喜懷  
檄放船推鼓開帆檣蕭灘老農公事畢夾道歡呼羅  
酒漿笑言歸去喚妻子今年租米兩平量

秋夜西園獨步

清夜遊西園竹影亂秋月穹色湛虛明林光益竒絕  
人間睡正著那知此時節坐觀衡陽移領列風煙別  
沆瀣洗天宇一飲醒毛髮氣與南山高青蒼助施設  
池塘收綠淨星斗轉空闊微雲點大清須臾亦自滅  
明朝問此境勝處不可說却恐鷄三號開門走車轍

廬山文集卷一  
劉晞揚貧甚爨煙不屬書讀而不輟作詩遺  
之以激其志因叙其貧之所以然冀當塗有  
聞之者

荷鋤初讀書中原已鼎沸輟耕仰大息衣食尚卒歲  
喧呼傳點丁田廬忽湮替產盡猶索租從何出租稅  
迺知天寶後信如石壕吏君門九重深旗戟森兵衛  
朱轡背相望莫肯察凋弊賴子天資高追琢自成器  
時能從諸生扣門來問字長篇爛溢目春葩吐奇麗  
饑雖不堪煮要自飽風味迺翁昔好事賓客常滿位  
小兒聽客語炊甑忘箸筯豈慮飯成糜邇來糜亦廢  
時能饋升斗與子黔突啄

送王舍人超武

王郎遠器宜廟堂胡爲奔走天一方吳越相望峙雄  
壘雙旌再開南斗傍手携仙人綠玉杖坐褰刺史赤  
帷裳平生廣莫意萬里眼高四海無相當舍人舊班  
紫宸陞天馬豈受青絲韁騎驢到部正閱歲飄然鶴  
舉摩天翔嬰兒十萬啼塞路各遮馬首持杯觴忽聞  
半夜發輕舸追走不及徒悲傷繡衣飛章有巨力不  
須州民投皂囊正恐君王知洽狀便向劔履趨明光  
鰲頭蓬萊在平地日邊除書細作行



盧溪先生文集卷第一

盧溪先生文集卷第二

古詩

和劉美中尚書聽寶月彈桃源春曉

何年鑿源開混茫桃花兩片吹紅香煙消遠浦生微  
陽漁舟誤行溪水長溪回岸轉山隙光疑有絳闕仙  
人房居民爭出羅酒漿花間笑語音琅琅抱琴釋子  
眉髮蒼響泉韻磬鳴長廊能談往事悲孟嘗昔時臺  
治今耕桑又如勇士赴敵場坐令遊子思故鄉清猿  
抱木號鴻荒孤吟劃見丹鳳翔曲終待月西南廂重  
調十指初不忙如見古畫秦衣裳春天百鳥爭頡頏

桃源歸來今已忘彈到落花空斷腸

和李巽伯少卿見懷

巽伯靖康中以少卿使虜

騎鯨仙人本仙胄不應暴落饑蛟口長庚却復下人間  
島瘦郊寒皆縮手篇章邁往無故初不共曹劉輒  
俱蹂此邦雖陋江山雄異時問出歐陽久公今詩句  
滿江山似覺衰容得春酒筆端獵獵生風雷曾次煌  
煌煥星斗生兒了事正作癡亦恐癡兒未能了頃年  
胡騎獵夷門兵拏不解誰當剖大臣薦公來洛陽舌  
翻波濤驚廟堂飛龍借馬出延康醜虜夜走塵沙黃  
是時帝坐八綺牕擬歌風起雲飛揚

寅陂行 安成西有寅陂溉田萬二千畝廢

久官失其籍大姓專之陂傍之田歲比不登  
邑丞趙君搜訪耆老盡得古跡浚溪港起堤

闕躬視阡陌灌注先後各有繩約不可亂是  
歲紹興十三年適大旱而寅陂溉萬二千畝  
苗獨不稿民頌歌之國家方下勸農之詔法  
有農田水利實丞職也然緣是而僞自增餼  
以蒙褒顯者世不為怪由是水利為虛名今  
寅陂功績崇崛丞不肯自言部使者終不及  
省察某出城別君東門外逢寅陂之民塞路

廬陵文集卷二  
涕泣言此爲叙其事作寅陂行不復緣飾皆  
老農語也冀有採之者紹興癸亥十月望日書  
安成城頭烏夜宿啼烏未起雞登木傾村入城來送  
君馬首摩肩袂相屬但有龐首不識名何物老翁出  
山谷老翁持酒前致詞家住西村大江曲大江兩岸  
皆腴田古有寅陂置官屬自從陂廢田亦荒官中無  
人開舊瀆公公故道堰橫流陂傍秔稻年年熟今年  
雖旱翁不憂田頭已打新春穀誰云此陂會當復老  
父曾聞兩黃鵠嗟哉如君不負丞躬行阡陌勸農桑  
監司項背只相望風謠滿路胡不聽胡不聽寅陂行  
爲扣天闔叫一聲

廬陵行并序廬陵別駕謝公前年初下車適  
蕭富二盜作亂州人震恐別駕提兵不闕戶  
兩巨寇縛致麾下境內遂安今當還朝州人  
懷之廬溪王某爲作廬陵行以慰其懷思之  
意錄以爲別

廬陵地控虔與洪孤城斗絕吳楚東連年賊兵塞官  
路烽火照夜旌旗紅治中來時正逢此自請按行山  
谷中禾州吉水方震動縛取兩渠來鬻鍾克徒披靡  
拜麾下願持田器爲良農凱歌歸陳破賊狀捷書飛

入甘泉宮甘泉侍臣知姓字天子往往聞其風謂當  
到闕問邊事邊上如今塵不起但把長旄造鳳樓莫  
說渡河挑馬橋此公淹久佐一州安用州民遮道留  
州中老人錯料事此公行立螭坳頭

和程子山舍人贈高虞卿

南宮四海英俊場閱人須多無此郎御史傳呼主司  
出遙瞻紫按金爐香簾垂咫尺斷還送閉戶設棘圍  
高墻卷推封彌充棟宇筆浸滄溟開混茫麟臺學士  
喜得子時子山為館閣如獲寶鼎聯芝房明日都城始傳榜聲  
名烜赫無三張平生知己萬不一世有若人安可失

方調鼎味薦鹽梅桃李何心並滿浪反佳實論經射策未

足論挽取功名看他日同門笑語夜相過起看北斗  
插天河凌晨鳳閣拜座主門生來賀爭肩摩一特人  
物盡豪傑太平為寶非嘉禾

題羅疇老家明妃辭漢圖李伯時作明妃豐容  
靚飾欲去不忍不狀

明妃辭漢出宮門豐容靚飾朝至尊至尊左右皆動  
色明妃欲語咽復吞三千娥媚塞天闈帝獨不識王  
昭君顧影徘徊復良久尚與君王一回首當時自倚  
絕世姿不將賂結毛延壽可憐朱網畫香車却來遠  
嫁呼韓邪不如歸州舊村女三幅羅裙兩髻丫陌上



花開大隄暖細雨春風歸緩緩寧從禁禦落胡沙長  
路漫漫碧雲斷忽看漢月照氍毹淚濕彈絲錦臂鞦  
龍眠會作無聲句寫得當時一段愁

送宣向卿往衡山兼寄胡康侯侍講

朱陵衡岳仙人

所居公是行緣故文招隱公有雲究錄歷詆諧監司

海內甲馬未盡休豪英為時當出謀天生竒才必有  
用何乃相率居岩幽胡公人品今第一汗漫久作朱  
陵遊朱陵窟宅倚蒼翠此公招隱安可留九廟今誰  
起頽壓四方正爾煩誅求我聞昔時元刺史春陵地  
分天子憂少陵作詩頌其事至今人傳元道州公為  
道州績尤偉誰為再作春陵謳孤城疲卒捍狂賊高  
論力詆庸兒羞安得如公數十輩叅錯天下為邦侯  
京洛腥羶不難掃潢池寇孽不難收願公早請尚方  
劍先斬佞臣張禹頭

贈齊軒仲素老

并序齊軒仲素老自安成京

師遊螺川凡十餘偶過其居齊軒面東山一  
峯曰秀嶺煙雲章木翠色依然真逸道人作  
詩招之以代東山移文云

秀嶺明東城飛翠橫空斷煙霞互滅沒爽氣浮清旦  
旁連仙人居樓殿出天半金龍蟠繡柱銀榜開琳館

齊軒面青葱下瞰綠篠岸我嘗醉其上謳吟雜悲歎  
一時賢士夫車馬共遊款當年二學士落筆瀉銀漢  
曾赴齊軒詩字字星斗爛事逐雲雨空鬼錄尚可按  
重來兵火餘觸目自悽惋唯有軒前山秀色還舊觀  
曉猿驚未已歸袂何必挽胡爲走塵埃廢此竒一段  
山靈亦可畏移文定嘲玩

二學士乃伍醇父  
劉偉明立名賦詩

寄黃子龐兼簡鄒德裕

天狼窺太清戎馬斷行路一別常萬里寄書何由數  
識君英妙時壘壘見佳處當年松柏姿已有廟廊具  
比嘗覽新作險絕聞竒句探珠滄海底秀色不受污  
筆端百斛鼎胸中九經庫高文動場屋仍傳渭上賦  
豈但凌三都自可驚狂虜鄒郎挺忠烈英英起門戶  
同遊氣槩中風雲生指顧獨念蓬室士無因陪杖履  
相望隔章水欲往不敢渡拏舟弄明月正恐蛟龍怒  
贈康元章 西昌康元章自言頃從防禦  
使劉紹先軍屯廬陵日楊勅兇焰方熾間道  
走九江謁大丞相朱公陳誅討之計蓋勅本  
猾賊箴姦宿亂日欲奮獨憚紹先縮頸不敢  
搖賴丞相果發兵捕勅蓋擒馘之未幾丞相  
與紹先皆罷去元章亦歸耕隴上今欲裹糧



奔行在而有羈旅窮餓之厄爲作詩以壯其  
氣亦庶幾故人有哀之者

康郎讀書本勃率羞作儒生酸到骨偶逢四海未解  
兵氣如秋鷹眼如鶻布衣杖策丞相前官軍盡掃長  
蛇窟焦頭爛額已論功况子當年陳調曲

送葛德裕并引德裕公檄之豫章兼聞當督  
戰船往池陽因書寄別

捧檄因米鹽戴星入州府官卑強趨走出語不媚嫵  
坐此觸駭機三人忽成虎况聞郡公曹士論極患苦  
禍福在牙頰驕氣益眉宇念君鸞鳳栖孰若黃鵠舉  
負材淹簿領擺脫印騫翥高興動長川挿旗催轉艣  
帆經一柱觀清風九江渚蛟龍蹙橫波樓船照秋浦  
茲遊定有得因之壯心膂丞相新開藩門闌壓吳楚  
豪英氣槩中人物粲可數相逢一笑樂細與論今古  
若問山間人披簑釣煙雨

題秀光亭壁餞劉世臣劉仲美

余遭小人之謗諸友嘗憤惋切齒欲起而攻  
之會劉世臣劉仲美當赴省試諸生設祖道  
于秀光亭酒旣行忽報小人敗績於是滿堂  
懽叫獻酬紛錯終夕酣暢以爲樂蓋小人旣

衰吾道必盛且以上二丑明春光大之兆歐陽

巨明作序以紀餞筵之盛盧溪老人賦詩以贈行

飛雨灑簷角車騎散巖隈臨池張翠幕衆賢會高臺

坐中蟾宮客再占北斗魁北斗第一至第四為魁世臣前舉郡魁今第四名復

有南巷阮謂仲美也少年負英才兩公俱博雅胸臆天所

開明春試殿陞筆力翻風雷臚傳姓名出聲聞落九

垓今宵且盡醉須覆掌中杯朝來得好語仍聞小人

災請觀盧溪老談笑消姦回見敵未嘗坐今敵傾

摧庸兒不量力自倒非人推舉此卜二友否極終泰

來

### 送李亨仲赴荆南辟

少年膽氣橫秋煙腰間櫛具森龍泉出門萬里探虎

穴錦帶雕鞍明積雪洞庭木葉飛霜風將軍秉旄西

擊戎旌旗戈甲照湖海櫓槍欲滅胡天空須君磨盾

作露布插羽來奏明光宮

### 麗人行 讀大業拾遺作

桃葉山前宮漏遲宮人傍輦持花枝君王喜憑絳仙

立殿脚爭畫雙長眉欲把琵琶彈出塞結綺臨春時

事改井邊忽見張麗華忍聽後庭歌一再

### 早行

盧溪文集卷二  
羣雞鼓翼天欲光井上梧桐生微涼殘星爛爛或出  
沒初日淡淡開青蒼楚妃臺邊曉雲碧伏波廟前秋  
草黃騷人辛苦拾何物沅有芷兮今已香

盧溪先生文集卷第二

盧溪先生文集卷第三

古詩

謝張欽夫機宜惠靈壽杖

九疑連綿青未了郴江擘出蛟龍吼雷公霹靂搜巖  
幽化爲欒律黃蛇走飛電迸火出奇節黃蛇走立僵  
如鐵携看玉女洗頭盆柱上九疑探禹穴莫挑馬箠  
渡黃河莫扣天門闈者訶但掛百錢時一醉從教風  
雨濕漁簑青錢學士方年少少年少羞爲老人調即看  
飛步上蓬瀛別有青藜夜相照

魏彥成寄示桐川琅琊送行詩集奉次柳字

韻一首系于卷末

少年班玉墀美若靈和柳一麾出銀臺風流亦不朽  
琅琊古名郡屢移賢太守天子憂遠民謂公極其厚  
林甫既當國不便珉與玖何如訪醉翁翁意不在酒  
次韻張虔州兼呈向宣卿

賊鋒繞章南殺氣動秋色主將初無謀突出誰與敵  
君門九重深羽衛生旗戟我欲獻奇計何由吐丹臆  
萬言一杯水平生幾量屐時雖急搜賢毀譽皆失實  
頃聞向衡州姦盜俱惕息人材有如此宰相安可失  
和李巽伯韻贈甥劉志道

年少嘗讀書復挾琴與醫世無識貞者持此將安之  
古調不詠俗空囊不貯貲結交名公卿雲間接風期  
披煙對珠玉常恐生微庇向來壁上弓落杯輒自疑  
此事一了了昔賢當並馳李卿句有眼妙語真而師  
存存閣

王郎身如椰子大胸蟠萬卷猶能載少年著足名利  
場歸來卜築紅塵外太虛爲室月爲燭四海諸公常  
所會窮閭陋室天下貴駑奴豐車多覆敗坐收浮念  
得此生如鍊真金豈常壞是中本自無虧成壞與不  
壞亦何在請君直下賦一言要識所存當默解



次韻周秀實觀李觀察勒兵

霜風獵獵吹旌旌將軍束裝來勒兵白鷺州前雲鳥  
合青原臺上山川橫李侯凜凜萬人敵匹馬橫行沙  
塞北至尊殿上親賜名生坐閭羅官柱國提兵括寇  
來江西採取賊窟如連雞軍中超距多暇日却學臨  
淮親校旗中興猛士如吼虎二十八將隨光武要看  
麒麟第一功金印垂腰光耀組

送陸景莊提幹

驅車越荆吳轍跡走欲半是時親戚多烜赫踐華貫  
中有衣繡人持斧下霄漢利權炙可熱冷語冰未泮  
徒乘朱班輪呵殿嚇閭閻女儻帶面具應遭鬼笑玩  
而况新失職誰肯聽呼喚坐令公困窮旅突幾不爨  
蔚然鸞鳳姿胡爲雜鵝觀我實增此曹期君遊汗漫

次韻曾育才翠樾堂雪詩

哦君翠樾堂中雪詞如劒戟相磨切又如牛鐸應黃  
鍾水中躍出蕤賓鐵因誦東坡憶雪詩城郭山川兩  
竒絕翠樾堂中雪復然敢擬片詞增竄竊長安道上  
醉騎驢忍凍不知蹄屢蹶爭似淮西破賊時蔡州城  
外沙如月將軍一箭射欃槍夜落城頭曉方滅捷書  
飛奏不動塵露布馳來迷玉闕醉翁句律號令嚴凍

口何由更開說銀杯任逐馬蹄翻斷藁殘編且局鑄

送趙逢源赴趙提點辟

泉司近年浸鐵成銅以足國用使者與公

皆賢宗室故以此子政云

曩日逢君盧水頭來如天馬初伏斬忽然去作幕下  
士奮衷起如鷹脫鞴黃雪壓空欲成雪笑捧辟書還  
御闕王孫俱是天麒麟枕中有方能點鐵

同陳思忠訪洪覺範

尋春反向僧房卧無乃行葦與時左起來刮目覽新  
詩花壓欄干夢初破黃葉丹楓屬興深吁然莫測疑  
楚此惠休島可沒已久二百年來無此作世間何處  
著斯人秀句天教出寒餓我氣未衰詞頗弱欲借鼓  
旗聊一佐終朝巖下不逢人苔色應嗔馬蹄澆

次前韻酬劉美中

筆勢爛班如虎卧何止風流蓋江左新詩吟出鸞鳳  
音曉鶯未啼春欲破始知李白飄然思俊語天成安  
用些鳳簫聲不類人間玉管定非人所作可憐洛下  
書生冷雷轉空腸發清餓終日長哦學不成掩鼻皺  
眉相贊佐與公並轡且西游舉扇勿憂塵土澆

贈忠襄公二孫

乃翁精忠貫日月一門挺秀俱琅玕丹山飛來兩雛



鳳碧梧翠竹皆停鸞武陵溪邊忽相遇口角流涎誦  
詩句盧溪摩頂欲作語他日雲霄還記否

送安成知縣周子發

公家伯仲方持節江淮發運提點荆湖刑獄公

今又趨朝故有是作

安成斗絕吳楚東妖氛未息仍歲凶公當是時宰斯  
邑眼底日厭旌旗紅胡兒初寇中原地驛騎符移星  
火至衆方敲捶立威名公能使民歌愷悌公家人物  
自魁雄弟兄蹀躞騎青驄端能經世任國事同時獻  
納蓬萊宮繡衣持斧今無對虎節麟照湖海符行看  
三鳳接雲飛共濟艱危熙帝載

酬聶達夫惠所業

聶郎贈我長短句大盤小盤推玉筋當年持此驚市  
人破帽蹇驢誰借譽厭聞百鳥呼春風自作綵鳳鳴  
孤桐俗聞惡語敗人意胡不謁帝明光宮

酬劉英臣載酒送花

去年花下探春雨鳴鞭走馬看花開今朝危坐空山  
裏不識春從何處來誰云山中春亦好忽見花枝被  
花惱無柰窮愁輒賦詩對酒簪花能絕倒

次韻劉謙夫同年二首

子雲昔獻長楊賦詞傾江海濤翻素溪邊相遇覽新

詩陣馬迎鋒敢馳騫忽憶楓震賜第時青袍紛紛莫  
知數與客流落最多年不記紫騮花下路  
蒼龍闕下同充賦偶著青衫脫寒素當年千佛共題  
名勢若飛黃正騰鶩此時入穀多英雄只今豈可一  
二數朱輪丹轂滿人間亦有傾軛猶載路

次韻張子春賦瑤林春色

瑤林洞中以醪  
醪作麴因爲酒名

花間酌酒邀明月月照金罇佳興發鯨吞霧捲百川  
空醉挽醪醪落香雪便將壘麴築糟丘醪醪壓膏麥  
爲蘖釀成忽見張公子公子家居近丹闕爲予乘興  
誇洛陽笑指沙頭臥雙榼洛陽視此真草野敢辱新

詩借牙頰瑤林名字出風塵未遇知音那敢說况能  
大讀離騷句痛飲雖多不爲餐未識王家碧玉香髻  
髻東坡真一訣誅茅本結方外人豈用禮法相分別  
預拂瑤林一片石與君醉過清明節窮亦不足悲達  
亦不足說酒闌挿劔露肝膽正恐不免論功業

和陳柄臣見贈

北人愁聽江南曲細草新蒲幾回綠當年避胡初渡  
南千官蒼黃飯不足中原亂後又逢春邊頭只道無  
煙塵邇來公卿不生事此事必屬非常人我曹生長  
江南樂豈料翻成風土惡湖海元龍氣尚豪贈我新

詩何璀璨拾遺後出最能文脩椽大屋今荒墳遠孫  
高材淹管庫猶能落筆生煙雲山城相遇初相喜共  
論大梁人物美莫學夷門抱關吏謀竊兵符椎晉鄙

和明胡敦實少年行

酒酣坐待東方高臂鷹走逐城南豪彎弓射殺白額  
虎醉騎歸馬雪花毛日暮黃雲動天色易水迷魂招  
不得莫學并州遊俠兒徒費黃金飾鞞勒

暴雨初晴

馮夷聒天夜椎鼓盡驅羣龍起行雨阿香推出雷公  
車惡風不動掣周柱似聞帝坐清霞宮號令羣龍收  
惡風便令萬物有生意虞淵取日當春空

觀李氏畫

壁間冥冥雲塞川細看幻出江湖天寒鴉雪壓凍不  
喧沙尾忽有瀟湘煙黃蘆碧草鴈初下畫此千金不  
當價爲君覓紙一題詩詩不能工且觀畫

李仲孫佩軒

我友李仲孫飭身一何介被服古衣冠昂然偉而怪  
開軒蓬戶中紉蘭以爲佩布袍挹公卿脫幘臥江海  
方其得意時天地不能礙荷鋤入深林剪薙發幽蒼  
清芬動窓壁蕙若連光彩君看紫綬翁腰垂黃金帶

璜玕錯琚瑀印章如斗大步趨踏龍尾鏘然中音會  
豈如此香草擢秀繁霜外秋風落萬木臭味久逾在  
我思軒中人免食三斗艾夢寐欲見之一往清鼻界

酬劉震仲

憶對秋風與公別風吹雲開露明月萬談不作儒生  
酸舌翻波瀾吐竒絕今朝馬首從西來笑我窮愁不  
掀揭蟠泥蛟螭氣如蜺不肯一吐人安知要令光彩  
射月脇五色萬丈天南垂我聞此語中夜起誰與插  
翼白日馳低心逐鴛駘青衫走塵土何當大醉騎鯨  
魚凌煙飛過蓬萊渚

送南臺長老

本老遊吾州數年余固知其名而未識面也  
忽飛錫赴南諸侯之請訪余於溪上談論麀  
齷獵取孔子孟莊周之言以證彼大事此又彈  
禪而無蔬笋氣者也竒事竒事余聞南臺古  
禪窟大師時之偉人其往也必不爲彼寂寂  
故作數語以贈行

祝融峯畔南臺路傑閣危欄上雲雨繡木泥金好佛  
堂撞鐘擊鼓聞蕭浦瀛州仙人東道主 招提境  
中住請公說法也大竒要公別下一轉語



盧溪先生文集卷第三

盧溪先生文集卷第四

古詩

次韻方性夫同年見寄

禮經久顛隴不絕僅如帶諸儒共補葺紛然莫酬對  
先生隱桐廬議論有根蒂劔胸剔廢滯電眼亦作燭  
幽晦糞鹽二十年時節忽已屆聲名塞天宇筆舌翻  
清瀨子美蓬萊宮輝赫輒自怪文彩動人主英風特  
飄灑清芬掩幽蘭四海共紉佩平生慕忠義爛爛意  
常在坐閱諸公間誰與論梗槩著書逢休運一洗窮  
愁債駸駸度驂騑過都如歷塊嗟予強追躡常負跛

龍態雖登龍虎科異調愧當代才高自激烈無爲逐  
時輩

和施倅重陽日謝予送酒

東坡異時談醉鄉怒罵嬉笑成文章其中廣莫幾萬  
里脫略禮法侔鴻荒初無愛憎與喜怒豈有寒暑與  
炎涼後世乃與醉鄉隔糟粕始變鵝兒黃三杯危坐  
亦拱手儼如冠劔侍君王淵明不飲時節改霜風九  
月籬菊芳舉頭忽見南山翠便覺逸氣登羲皇揮毫  
落紙得佳句流涎露頂庸何傷甕下被縛烏足取定  
無奚童携錦囊安用船頭置百斛又令口不離杯觴  
醉翁飲少輒已醉胸中了了初不忘八仙脫醉尤可  
笑騎馬落井何其強

題禾山蕭秀才臥雲菴

江南山盡頭氣狀頗英淑禾山倚天開蒼翠滿林麓  
扶輿磅礴起橫斷湘江曲中有隱君子結屋在深谷  
未放雲出山蟠雲臥幽獨暮簷青潑眼遠靄寒山竹  
景色嘉有餘幽人夢初熟起看柱礎潤山前雨應足

題劉端禮步芳橋

橋上蓋欄低壓水青龍影落芙蓉底欲渡芙蓉望翠  
微波面紅雲映履齒洛浦清流古有神羅襪凌波生



暗塵東昏戲作錦地茵金蓮襯步如花人而今此事  
墮渺漭但有荷花開蕩漾試穿芒屨踏風煙安用紫  
絲連步障

余棄官累年劉元弼作詩見勉次韻奉謝

我生寡結交論議誰與質憤氣不可蟠龍蛇走鬱律  
少年學竒字費力弄紙筆不讀五千卷亦慕入此室  
腰間插櫛具談兵尤縱逸時方用巨人顧我何品秩  
往年承平久出師無紀律羣盜尚縱橫豈但開邊失  
皇威振溥岱戈甲耀霜日白可掃狂胡掩耳驚雷疾  
故人起閭巷宿昔登近密聲焰動四方風雲生咤叱  
犬羊猶爛熳氛氣何時畢感公贈以言欲往非傳匹  
此事恐不免高臥安敢必

送駱仲武

淵明不喜折腰趨寧作 笏何易于勸農使者鄙文  
夫少年新進安識渠下馬怒頰虬奮鬚指揮星火飛  
文符詈辭愧語靡不無諸公止欲求薦書椎斲肌膚  
尋高腴公爲一笑憐其愚熙朝成法字已孚堅如金  
石莫可無鞭且勿施安用蒲三年竟亦無逃逋吏民  
遮道相懽呼生立叢祠傍佛區想當逸氣吞江湖與  
人恢疏無怨吁臨邛小子傲鄉閭方乘朱輪呵道衢

公歸西山結茅廬丹崖絕壁巉空虛誰能負弩當道  
隅終日與爾爲前驅

送周覺民兼簡湘西故人

蒼山凍雲垂欲雪風吹客衣冷如鐵忽乘狂醉夜敲  
門不畏苦寒來訪別時朝騎馬雪中歸何處皺眉吟  
雪詩若見湘西舊同舍爲余傾廩說相思

段居士粟菴

若人胸臆著萬卷始信此菴藏大千維摩室中坐獅  
子蓮花鬚上集人天十方國士從坐起聚此一粒空  
中圓爾時寶刹現毫端跳出雲門向上關癡兒正抱  
古公案對面不納須彌山便向粟中尋世界含元殿  
裏覓長安

題周忘機畫軸

舊聞同志機隱於浮圖如洪

興乙丑清明日觀於  
任子巖書室王其題

羅浮飛瀑落九天尺素倒流三峽泉怪底晴窓起風  
雨洞庭野色瀟湘煙平生江山入吾手况有對坐南  
昌仙不須作此無聲畫妙畫自以無聲傳

次韻李教授閔雨

赤帷使者朱斑車重簷飛蓋遮日烏佛前下馬來跪  
爐草木焦卷苗欲枯我亦本是耕田夫僅能識字勤

須臾吟詩閔雨作時無空勞皺眉捋髭鬚安得年豐  
鼓不桴便足飽飯甘樵蘇

觀徐明叔畫湘西磨崖圖

崖在湘西白鶴  
峯紀官軍破賊

衡山高出北斗邊九疑蒼梧相屬聯羣峯環走如却  
立山脚挿入瀟湘川朱陵渺邈迷處所白鶴噴薄飛  
流泉坐看徐郎拂絹素盡驅山岳置眼前徐郎豈是  
真畫手酒酣遊戲乃其天巴陵洞庭連浦溆鯨鯢蟠  
穴為賊淵詔謂將軍出旗鼓樓船蹴踏驚浪喧橈槍  
夜落照湖水雕弓十萬猶控弦湘西古寺最奇絕丹  
崖翠壁開何年况公文章善叙事大字怪偉且鑿鑄  
中書異時觀落筆因煩吮墨圖凌煙孟公韉公毛髮  
動腰鞞大羽冠進賢他年中興事可考公名亦與茲  
山傳

和介甫少狂喜文章

少狂喜文章頂戴千佛名年大意轉拙腸饑猶舌耕  
筆扛百斛鼎詩當五言城儻無封侯骨止是識字氓  
長安公卿中閱人如踐更扁舟苟能辦自足了一生  
贈劉允升 紹興三年歲在癸丑暮春三  
月允升自湖南來 公幕府歸致相公之意  
留數日款甚作詩贈

我家神螺峯與子隣井閭聞名初識面逸氣起天半  
坐久語翻瀾詩文星斗爛刺口論世事極能原治亂  
洗我冰雪懷韻出眉宇燦遂於交遊內得此一好漢  
自言長沙來幕府天下冠相公秉旄鉞英僚照藩翰  
辟書欲交飛置我在門館事繫國輕重忽逐雲雨散  
請君企踵待勢若馬脫絆他年恐未免成此竒一段  
劉端行自建溪歸數來鬪茶大小數十戰予  
懼其堅壁不出爲作鬪茶詩一首且挑之使  
戰也

亂雲碾破蒼龍壁自言鏖戰無勅敵一朝倒壘空壁  
來似覺人馬俱辟易我家文開如此兒客欲造門憂  
水厄酒兵先已下愁城破睡論功如破賊惟君盛氣  
敢爭衡重看鳴鼉鬪春色

次韻酬向縣丞

平昔君家瀛閣老少日結交名譽早眼中忽失如此  
人尚喜諸郎美風調前年寄書識英妙經歲初酬君  
勿謂後會相逢應可期顧我形容未枯槁

送叙浦令宋元老總幹

輶車昔參使者騶萬里粟帛咸括搜荆蠻小縣天一  
陬却來執板拜督郵督郵偃蹇聊復爾鷄書夜逐秋



風起峩冠端恐立螭頭汗脚行當踏龍尾公家有兒  
纔毀齒背誦六經如瀉水九重天子念勤勞令試禮  
部收英髦願作文章驚四海他年一釣連六鼇但知  
工部好驥子勿怪將軍尋鳳毛

題惠崇畫秋江鳧雁

老崇學畫如學禪中年悟入理或然長江未落鳧雁  
下舒卷忽若無丹鉛定自維摩三昧裏半幅生絹開  
萬里不用并州快剪刀斷取鐵圍山下水

往年見趙德麟說惠崇嘗自言我畫中年後有  
悟入處豈非慧力中所得圓熟故耶今觀此短  
軸定非少年時筆  
也故詩中云爾

次韻傅彥本三首

介子齎金持漢節欲斬樓蘭言剴切建康家譜不傳  
人萬口謳謠同一舌仍聞載書盈幾車指甲生花掌  
卧蛇祖風凜凜世不乏笑我窮山採蕨芽

友琴安用胡公節簾捲鳴弦自清切忽聞飛語衝駭  
機亦慮過時聽反舌仁風西來隨傳車揮毫落紙蟠  
蛟蛇正逢久旱得霖雨一洗槎枿皆萌芽

國步未寧誰仗節慷慨談兵多感切當時日厭五侯  
鯖子雲筆札君卿舌爭如不識金銀車亦無字畫能  
驚蛇且吟老杜江頭句細柳新蒲又吐芽

用前韻贈歐陽公制

垂髫與君與折節初學吟詩開又切君仍抵掌能劇  
談至今濤瀾翻頰舌人生讀書須五車要當赤手捕  
長蛇不然是事且略置時過松窓煮雪芽

盧溪先生文集卷第四

盧溪先生文集卷第五

古詩

雅歌樓詩送永豐宰鄧晉卿

潢池赤子弄庫兵犬牙蟠接虔漳汀十年烽火照縣  
郭白晝不敢問衙庭忽見青樓臨大路樓上高歌揮  
白羽樓前解角看投壺終歲不聞櫓戰鼓主人坐笑  
已風流小婦鳴箏樓上頭曲罷仍能雅歌舞送君此  
舞傳中州

送董衮臣提舉

湖西提舉董公館千方

外幕中月餘日得款杖履之遊每聽高論慨然



有經世之志忽聞大丞相李公來鎮長沙即日  
撰裝走臨川以迎謁謹書長句叙別因以送行  
小菴遂在青林裏高軒大馬從何至慨然吐論翻濤  
瀾茅簷為我清風起忽傳丞相下湖東羣兇落膽先  
推鋒便欲磨盾作文檄捷書飛入甘泉宮丞相參謀  
虛位否會看出竒兼破虜席卷江湖波浪清貂鼎勲  
庸歸自取

次前韻酬董衮臣使君見寄 時公知岳州

少年通籍金閨裏持節荆湖已三至巴陵江水天上  
來樓觀崢嶸半天起使君才氣雄山東豪曹巨闕誰  
爭鋒譙門高開洞庭野鼓角震動魚龍宮此中為郡  
最佳處燕間不復談征虜題詩遠寄江外人政恐六  
丁來下取

再次韻酬岳州董使君 開去歲妖賊犯境即時擒滅

西望岳陽煙霧裏聞有璽書天上至增秩何年下鳳  
凰初無草動風塵起我生飄泊任西東孤軍敢犯千  
人鋒郢中白雪豈容和牛鐸輒應黃鍾宮郡樓把酒  
題詩處笑命騷人等奴虜不憂突境有狂夫立遣偏  
裨生縛取

江虞仲生日 正月十四日

王春正月東風回星橋鐵鎖明夜開鼇山千仞接雲  
漢平地五色移蓬萊公家今夕果何夕適逢間氣生  
英才清都虎豹失呵禁九關轉鈕驅河鬼爛柯山頭  
瑞煙起太白之精天上來却來人間知幾載少日聲  
名震寰海大學高文擅俊場江南刺史多遺愛江邊  
老父祝長年南極年來一星在明年此夕從宸遊鼇  
山正出鼇頭外新鶯百轉柳初青龍池鳳閣遙相待  
李真狂過盧溪盧溪慮其狂之無所歸作狂

語咸之

江南有狂客氣欲橫九州朝爲長安市上遊暮出簪  
中思報仇皇天恐爾狂不休囚鑊置之東海頭盧溪  
爲脫千金裘換酒仍作商聲謳醉來騎折玉龍背醒  
後槌碎黃鶴樓摩霄拔劍斫月窟何如投筆亦封侯  
白晝殺人誇意氣何如煙雨卧漁舟

和周通判永豐破賊

五更盾上聞磨墨夜半偏思破殘賊平明露布已成  
文倚馬不知軍務劇初傳別駕下南州人如天馬徠  
西極指揮猛士驅貔虎坐使威聲馳絕域狂胡昔渡  
西樓山漢皇不閉玉門關四方羣盜蝟毛起旌旗光  
拂牛斗間回戈必定東征去鎧仗如雲光照路捷書

飛入甘泉宮插羽鳴鞭氣橫驚公家人物世不衰况  
復詩名天下知探驪得珠何崛竒更欲盡採珊瑚枝

題李伯時畫馬

秃筆戲掃凡馬空人間始識天廐龍山城逼窄那得  
有注目萬里生長風奚官緩牽紫絲鞵好頭不著黃  
金籠時平諸蕃盡入貢此是玉花于闐驄

劉偉明家藏名畫數軸其姪時發得之以示余  
且求余跋而以李伯時畫于闐驄馬為惠余愛  
其善寫神駿之姿非伯時  
不能也復跋其後而藏之

送向豐之

君家梁苑妙人物劫來封胡咸勃萃子今二十能綴  
文詩如陣馬敢馳突此去荆湖道路長要吟秋水動  
三湘歸時蕉葉應黃落賸拾騷人春草香

和周秀實田家行

旱田歲逢六月尾天公為叱羣龍起連宵作雨知豐  
年老妻飽飯兒童喜向來辛苦躬鋤荒剝肌不補眼  
下瘡先輸官倉足兵食餘粟尚可瓶中截邊頭將軍  
耀威武捷書夜報擒龍虎近報殺退虎大王便令壯士挽天  
河不使腥羶汗后土咸池洗日當青天漢家自有中  
興年大臣鼻息如雷吼玉帳無憂方熟眠

再和酬王元勃舍人見寄

風電聒天雷動地，老父閉門呼不起。從教卷却屋上  
茅，偶遇時豐且歡喜。閭閻比歲連旱荒，椎肌斲骨生  
千瘡。羽書止欲調兵食，不貯別庫爲私藏。吾君撥亂  
如光武，將軍不數韓擒虎。龍神自將羽林兒，折箠一  
揮開北土。誰識江南刺史天，政平訟理仍豐年。村中  
儻無石壕吏，吏不捉人人夜眠。

贈蔣山僧并引蔣山僧覺海持劉美中書來

茶陵予以解官遇海于廬陵作數語送之俾遊

雲陽尋定佛果祖師道場以乞丐于衡湘間

雲陽秀湘南，祖刹隱林嶠。曾出老古錫，今尚餘貌  
神駒過江來，羈勒不受敲。潮音震海湖，乞食徧蠻徼。  
遣子尋故岑，飛錫出泥淖。端能破堅貪，亦須硬紫爪。  
定林枕雙溪，門前風水鬧。一派遶鍾山，歸時可自照。  
沅陵遇公美，忽談道術如有所得。將之桃源

作詩送之

昔年結屋並江灣，見君心膽方未閒。牆東月出夜扣  
關，酒酣說劍翻濤瀾。邇來書劍謀俱左，尋仙欲鼓蓬  
萊柁。三寸田中已發花，九曲江邊仍進火。蓬萊萬里  
天，無涯驚風落葉卷黃沙。且過桃源訪秦洞，玉盤應  
釘棗如瓜。



贈寫真徐濤并引世言畫工喜作鬼魅謂荒誕易圖也故傳神寫照為難聞徐濤畫盧溪老子作幅巾芒鞋蕭散之狀見者以為甚似作詩求之

徐生畫人不畫鬼點目加毛必佳士邇來下筆更逼真勿論山僧及童子會貌詩人孟浩然便覺灞橋風雪起如今儻欲畫盧溪一菴宜著深巖裏

贈高伯強

高郎讀書有何好如魚蠹書終日哨爨煙不屬長苦饑行吟安得追風驃羣公頓網加羅搜未肯放子出一頭先生上堂應勞苦向來白壁何時酬

和歐陽叔向寺丞韻酬劉漸父

渤海赫赫東南豪俯挹前輩傾時髦有如青天白日出平地放著崑崙高都下官寮車可載聲稱寂不聞中外二陸初來浪得名謬以尊美誇捷對文章直要窺孔顏不可睥睨馬與班君門九重耀晶戟遠臣胡得來其間清新不見庾開府寂寞詩壇將無主縱使楊雄識字竒劉歆泣歎空自苦也知未遇何足悲時來忽覩青雲低鳳凰孤鳴得天律百鳥束喙不敢啼先生能作鳳凰語議論遠過袁虎子豈惟一日動朝



庭留作詩人後來史汪洋尤喜陳時議一夜稱嗟豈  
徒謂九衢傳寫已喧闐氣壓五侯驕七貴螺江地古  
人物好迄今故老猶能道醉翁沒後頗荒涼秀氣盤  
旋此環抱天恐斯文久遂終英靈挺出嗣家風身雖  
富貴異流俗兩眼觀書耳亦聰應曾夜半參黃石神  
幾暗得無蹤跡我本閑愁寡才力閑吻逢君那喘息

郡齋次張叅政韻呈王舍人

使君天下士豈止臨一州此州久廢亂弄兵非鼠偷  
使君醫國手頓若沈疴瘳下免北征苦上寬南顧憂  
壞堤防蟻穴回瀾障東流潢汙與行潦咸可供薦羞  
幕府羅俊彥巨細靡不收天生一世人異趨各有求  
盧溪老病叟十年不浪遊失脚入城府本自非人謀  
賢侯新下車採矚加窮搜隣里輒驚怪出門爭挽留  
平生江海思

徑坐大孤秀猶沈百寮底竭來尉吾邦聲華愈燁燁  
諸公用法律領略極不似輜軒日邊來願採書于紙

送通判周監丞

秋江水淨磨碧銅秋山先作歸意濃况逢星火羽書  
急立馬不復能從容船中載書三萬軸鳴鏡挿幟搖

盧溪先生文集卷第五  
秋空前年羣盜尚蠶午眼底日壓旌旗紅行春兼督  
貔虎士破賊屢奏明光宮今年豈料煙塵起赤白提  
囊走邊吏縣官飛符急索租誰能急了官中事不如  
置笏還縣官頭巾脫掛西林寺詩句留傳天地間時  
有人來問竒字功名正恐未免耳此役由天不由已

盧溪先生文集卷第五

盧溪先生文集卷第六

古詩

送趙敏卿

翩翩公子天麒麟目光點漆傾坐人萬里肯來尋逐  
客夜夜讀書喧四隣君今先渡瀟湘水我亦東歸聊  
復爾明朝勅放巫山陽拄杖行穿赤泥尾

題洪覺範方丈

曲徑通禪房闢戶得佳境適從闌闌至頓覺耳根靜  
古來含蕭森寒梢發光景墻圍數竿竹中藏大千境  
月從天上來入林散清影爐焚薰佛香盃注浮雪茗

客散羣動息茲焉發深省

次題周公予趙逢源過瑤林洞中探酴醿

桃花落盡春風顛兩翁並轡來翩然入門下馬看花  
發仰攀綠葉窺青天倚檻謳吟發清唱終夕擁鼻鳴  
寒蟬唐昌仙人識玉蕊借月下看乘飛煙明朝地上  
拾落粉草間點綴如遺年狂思玉爪搔背痒不可妄  
得麻姑鞭歸來應拍手笑君騎馬似乘船醉後  
猶能作長句半夜打門驚我眠

送葉通判赴闕

乃翁共試蓬萊殿筆力翻瀾瀉河漢聯鑣並出日華  
門燕罷綴行風雨散家聲烜赫今益昌高車大馬何  
煌煌江頭相遇初識面握手一笑仍悲傷獨把窮愁  
老巖谷喜見高年有此郎如今又作摩霄去行看鏘  
玉侍明光

送僧祖麟遊龍會

大仰古禪窟秀色摩穹蒼蜿蜒屬龍會半壁開寶坊  
中有寂寞人宴坐花雨傍杜門不說法碧眼照胡床  
子昔喜行脚拄杖走四方所至螺鼓鬧正作佛事忙  
是中不可住令人心發狂却尋龍會山夜深聞妙香  
起望山上月千山同一光從來遠行客終必還故鄉

便當隨月歸急掃松下房芒屨儻已具留錢辦茶湯  
避亂東村逢南嶽簡上人

一別湘山今幾載盜賊縱橫爾猶在狂胡鐵馬獵夷  
門金錯旗竿繞湖海憐我避亂荒村中杖錫穿雲窮  
畝嵬茅簷瀟茗清風生月隱霄間星磊磊高談微及  
古興亡爲言致禍由時宰著屐包腰却下山恐觸危  
機吁莫采

送劉宏夫昆仲赴省試

我聞君家書滿房騎馬夜過叢桂坊乃翁危坐具燈  
燭諸子讀書喧兩廊問君讀書一何苦要取高官起  
門戶仰天大笑幾時歸明年雙鵠刺雲飛

次韻韓朝美惠硯

詩如春風入花骨暖日晴雲入竹石退之筆力千古  
豪世有文章擅東壁松窓結鄰翁乃惜坐中頗復有  
此客人怪窮兒得寶歸布袖淋漓手鰲黑

次前韻酬羅思義

君章夢吞五色翼未羨充宗得文石遠孫詞采亦班  
班復見光芒動奎壁我住江南君住北北人今作江  
南客論詩爭勝類搏菹一喝成盧子俱黑

次前韻酬周公孛年家



君家大阮聲輝赫當年並試龍墀石小阮風流不減  
人一家頓有雙聯壁共題鴈塔多名卿溪頭獨作漁  
竿客身經離亂偶相逢怪我婆婆娑鬢猶黑

次前韻酬劉大虛惠端硯

端溪之水深莫測千夫挽纆下取石溪翁採得歸不  
眠夜斲鵠卵出蒼壁君從何處得此寶贈我慚非玉  
堂客况無健筆寫銀鈎墨汁徒翻老鷄黑

王舍人生辰洋

道書有金房四年之訣皆鑄金  
為簡刻白銀編之紫筆書文也

巳巳四月二十四甲子夜半天門開是時羣星環北  
斗一星謫墮人間來星精為人不昷得千年孕秀方

呈才筆扛龍門百斛鼎家傳鳳閣通銀臺  
頭獻納近日月論事力取天顏回中興文武收髦俊願公急  
起乘風雷野人指山祝公壽事業亦與山崔嵬金房  
難老自有訣銀編紫筆磨松煤

贈彭時卿秀才

時卿昔年上書言得失不報  
今以親喪旅于江上有窮愁

之厄恐墮其志  
故作此詩遺之

昔年待詔隨公車袖中獨有平戎書當年肉食無上  
策竒才劔客何時無從來謀國忌迂儒遂令此虜稽  
天誅君能再陳治安策親喪未舉宜何如休論忠孝  
不兩立一杯之土非難圖莫但扣門來夜話長纓終



請羈單于

六月上澣陪王元勃舍人携客遊青原山周

秀實通判作韻語紀一時勝集奉次元韻

使君從千騎伐鼓驚羣偷前驅嚴虎節夾道森蛇矛  
別駕工五言句刮造化美筆法蟠高軒銀鈎照窓几  
冠蓋一時盛秋旻羅衆星尋思問祖意米價作麼生  
欲扣山中人何由知彼岸殘陽下峯頂暮色藹餘舊  
鳴珂出脩竹驅車轉平原登臨悲往昔豈不多名賢  
獨餘姜與顏人品亦自勝溪流水濺濺中堪理漁艇  
賓客隨大守風流幾百年山間留絕唱巨石枕橫川

送劉義夫宰祁陽

浯溪寒翠拖碧玉石崖砒砒凌蒼霞次山竒文走霹  
靂顏老健筆蟠蛟蛇凜如誚杞叱希烈至今傑立天  
之涯公於其間宰民社切勿但取文辭誇當用忠壯  
出竒節縣妖破膽莫敢譁官連檣泊溪口符移星  
火如撒沙舊聞俗苦吏囂惡端能病政使不嘉先聲  
入境若元氣顧見槎枿皆萌芽溪中古月溪上石照  
公清德無纖瑕溪流不盡石不老佳名萬古磨不窳  
次韻羅伯固聽琴

焦桐初不受文理弦以朱絲竒乃爾坐中忽聞太古

音寵辱頓忘那有恥官廳曾有一日閑奏刀未覺肯  
繫難抱牘兩衙鳧鴈退日送飛鴻聊一彈爽氣朝來  
如有約幽林鳥語山間樂琴罷揮毫各賦詩滿袖珠  
幾何璀璨晚風歸袂失炎蒸却憶冰壺此段清酒醒  
月白重開匣更作松風夜雨聲

彭青老往禾山讀書所寓之室曰蟄菴爲賦  
蟄菴詩一篇送之兼簡白雲元老

彭子擔簦行有日拄杖穿雲風雨疾主人好事家有  
書卷埒石渠吞葺室茲遊遠去栖碧山頭角未欲斲  
斲出泥蟠谷底茅屋深丹崖青壁幾千尋白雲老元  
坐禪窟笑汝猶作書生吟峯頭別打禾山鼓喚起蛟  
龍趁雲雨

題向巨源南昌樓詩後

昔年過豫章望

南昌樓知其必有勝處欲一登而不果今觀  
向巨源四詠果與滕王閣爭江南臨觀之美  
始恨昔年忽忽不獲一寄目以償所願輟作  
數語題其後

南昌高樓在何許亦面西山望南浦壁間有客舊題  
詩傾倒湖山入毫楮此公平生妙言語突過前人落  
霞句簾開月出大江橫定勝滕閣捲山雨

贈蜀僧妙高并引蜀僧妙高自峨眉出三峽  
為南嶽幹僕事至辰陽適余竄居是郡高數  
相過又將去遊江湖吳越之間索詩為別

峨眉山頭古時月浮雲捲盡塵埃滅曾隨僧宴入中  
京光照九天開玉闕山月如今亦送君影落洞庭波  
底徹此時看月憶峨眉山色湖光兩竒絕明月隨君  
却復東千里相思共吳越問言古月與今月水鳥風  
林盡能說溪邊惜別重吟哦顧我無才柰若何他日  
長安逢李白再乞峨眉山月歌

戴國和得潘衡墨法於言意之外今携之湖  
湘必有識之者作詩以送之

老蟠膠法祕不傳君獨得之乃其天此法髣髴如參  
禪忽然有省夜不眠又如神仙換骨法應手不自知  
其然湖東大帥天下賢詞源如海筆如椽本是玉堂  
揮翰手正要此物供磨妍醉題李白三百首掃盡將  
軍九萬牋老 歿來知幾年聲名始落瀟湘川君不  
見呂洞賓竹絲籃子烏紗巾長安市上無人識喚作  
湖西賣墨人

送彭秀才赴國學試

君厭江南卑薄鄉擔簦萬里趨虞庠虞庠黌舍中天

起上游英俊如堵墻子欲戰藝於其場亦須旗鼓能  
相當但得同升博士堂看取官職如驅羊

盧溪先生文集卷第六





